

東  
華  
續  
錄

光緒一百八

臣朱壽朋敬編

臣汪錫增恭校

十二月辛卯朔調德隆爲鑲藍旗滿洲都統以廣忠爲鑲紅旗蒙古都統○谿榆林府屬十五年分民欠糧草○壬辰命恩承李鴻藻熙敬啟秀爲揀選戶部官缺大臣○魏光燾奏棍囑扎拉參呼圖克圖所領徒衆經前撫臣劉錦棠奏明安插庫爾喀喇烏蘇屬八英溝地方該呼圖克圖上年十月抵新疆省城與臣面商以該處不敷安插請飭由該屬並綏來縣里連處所添撥地段俾資游牧當飭署庫爾喀喇烏蘇同知周鼎銘綏來縣知縣李厚琳察看地方情形會同履看酌量指撥去後茲據該呼圖克圖呈稱勘明庫爾喀喇烏蘇地西自八英溝起東至月牙臺止五十餘里綏來縣地西自月牙臺交界處起東至頭河道大梁頭止七十餘里統計東西長一百三十餘里南北寬五六十里南抵松樹根北抵山口戈壁爲界地勢聯絡水草豐盛便於游牧查與民屯無礙懇請撥給等情並據該屬縣會勘稟請照撥前來臣覆核無異除飭呼圖克圖將所領徒衆妥爲安插並委員會立界碑外謹附片具奏下所司知之○甲午諭趙州等屬被災田糧○乙未 上詣 奉先殿 靜皇殿行禮○遣載灃恭詣 惠陵致祭○馬丕瑤奏

請將捐納勞績兩項指分廣西正佐人員暫停分發三年下吏部議奏○予捐助義舉之浙江麗水縣貢生葉瑞榮旌表○福潤奏量給齊東等縣春賑報聞○升奏奏奴才准赫政遞來保爾覆函稱立市可定亞東未知修闢建房之處相合否須親往察看方達印度國家的核並欲往莫竹河一帶察看請飭商上派一掌事番官前往以憑面詢改闢為難情形請轉達奴才迅速核辦等情又據函稱保爾只帶三四人前往亞東並欲往春不格林卡莫竹河一帶察看請派員或奴才親往酌議可否令其同來又云接有閩督密啟知藏番與奴才為難立市不必迫定法利但須保爾親往亞東察看酌辦各等語奴才當據來函請行商上去後旋據第穆呼圖克圖會議商上番官及僧俗大眾稟稱駐邊番官大招倉儲已邊覺奪占前係由商上僧俗大眾議定請由駐藏大臣奏派之員即可掌事無須派員至春不格處均屬邊界以內英人不得前來察看惟亞東照議可聽前來等情奴才復派員開導堅執不從只得據覆保爾約期前來亞東察看當飭駐仁進岡行營何游擊長榮裁除行館飭由商上轉飭該處番目人等一應妥為備辦柴草夫馬務須早備極其盡禮復檄漢番駐邊委員黃紹勳等由領採辦食物并囑赫政隨同委員等一併伴送保爾前來亞東妥為照料就便酌議各款竊查善後立市通商為藏印交涉一大關鍵英人必欲闖入藏界藏人不遵理稍不持平不惟前功盡棄抑且後患方長此善後雖而本善後為創始為尤難

也奴才夙夜憂懼無計籌邊幸賴 皇上威福總理衙門主持赫政從中斡旋得以不更前議共泯猜嫌立市定在亞東所有應辦事宜從此便易著手俟保爾到來酌議具有端倪一切稅務章程擬令該委員等稟由奴才酌定隨時電達總理衙門請示遵辦以期迅速除文報一條無關緊要外其游牧一條英人兩次詢奴才以如何核辦其含保護之國而故令外人干預者以爲藏人能在西金游牧英人亦可在西藏游歷即各條內任便貿易游歷之故智一明言於通商之中一暗寓於游牧之內以期其衝之必傳者也所幸商上亦願撤回西金游牧番民有不願撤回者悉聽英人主持決不干預持議於理甚足想英人亦無如何奴才惟有徐與磋磨從長計議不敢畏葸以招尤不敢激切以取戾以仰副 聖主撫綏中外慎固邊防之至意下該衙門知之○葉志超奏奴才於十一月二十日業將連日擊賊獲勝及擬定親往督剿各情形奏明在案二十一日馳抵建昌所屬之敖罕旗四家子地方接據記名提督聶士成稟報下長皋之賊既多且悍現被官兵圍困多日該逆匪等必思起反攻之心至泉盛燒鍋圍牆過於堅厚勝似營壘猛而攻之徒傷精銳合而圍之勢必死守更有山貝子府來援大股賊匪不時而至倘有疏虞反受其困必當冒險出奇先搗貝子府老巢方不至勞兵糜餉庶可一鼓殲除茲於十七日議定分飭記名提督江自康參將葉玉標劉運昌等照常加意圍攻勿稍鬆懈即抽撥各營馬步隊伍一同游擊夏青雲於

十八日子時宵露馳往急行四十餘里至貝子府天尚未明賊早憑牆死守見我兵突至該逆等一而喧呼一面默放大礮鳥鎗向外環擊夏青雲縱攻其後記名提督聶士成督飭馬隊勒馬持鎗四面圍之以防衝突並檄飭步隊合力仰攻鏖戰三時之久賊始力不能支而我軍勇氣百倍親軍小隊首先登陴各營乘勢前後一鼓而入立斃賊首王正王福馮二老帥等數名鎗斃刀砍五百餘名餘賊紛紛越牆逃竄奪路逃命復經預先派定馬隊四面圍攻追殺十數里又斃賊三百餘名奪獲大礮八尊火鎗刀矛不計其數旗幟號衣多件賊馬一百五十餘匹大小車二十四輛此役統共殺賊將及千人並無一名漏網而我兵因奮不顧身陣亡八名受傷四十七名當酌留馬隊駐守該提督聶士成趕緊折回下長舉將至午正該逆等在圍內高處瞭望見我官兵大隊自貝子府折回竊悉已將逆匪老巢克復各自驚慌無措且被圍八九日人衆食少糧草缺乏若不乘勝急攻勢必潛逃他處擾害我軍未得片刻休息卽派副將張復成參將韓照琦進攻東面葉玉標進攻西面該提督聶士成自率副中營進攻前面其各營馬隊亦分三面密布乘馬待追竄出之賊並嚴飭各營哨弁不克此圍誓不收隊分排甫畢各營同心齊進而該逆仍自憑牆死守大礮鳥鎗向外齊施子如雨落各營並不稍退當用過山礮將前門攻破步隊殺入賊始惶恐各自奔逃生擒軍師孔慶胤一名擊斃賊首王勳徐如李亮等三名夥賊一千數百名其餘賊匪被

擊情急投井而死者跳牆跌死者不計其數並用礮擊破逆賊藥簍被轟死者亦不爲少間有逃出之賊意欲扒山而遁均被各營馬隊四面用快鎗圍擊又斃一千餘名我軍陣亡二十一名受輕重鎗礮刀矛傷一百四十七名奪獲大礮十二尊擄鎗三十餘桿烏鎗刀矛不計其數騾馬四百餘匹大小車六十餘輛餘賊所逃無幾潛匿深山窮谷之中當隆冬天氣冰凍之際諒不至再成巨患等情前來奴才於二十一日接稟後卽帶領旗綠兩營親軍各小隊前往路經上下長泉地方但見賊屍枕藉滿地血汚其爲官軍連夜擊斃無疑馳抵敖罕貝子府地方查得貝子府坐落北山根房屋約有一百餘間十分堅固附近蒙古亦有數百餘家自十一月十一日被賊佔踞至今已及四十日所有蒙古男婦大小被賊殺害誠爲不少其貝子府及蒙古民房牆垣被賊焚燬殆盡慘苦情形不堪言狀詢悉居民有書固山貝子父子數人逃在庫倫者尙難憑信當飭記名提督聶士成派委員往該處探尋若能尋獲保護回旗其長子色丹那莫濟喇在後山水泉東溝已經被賊殺害當將其屍身交該旗看墳之劉長萃收殮奴才伏查平泉建昌赤峯朝陽四州縣東連奉省西接熱河南靠遼安北通滿部方圓數千里地誠遼闊自金丹道五金門假以勸人學好爲名煽惑日衆集數萬餘人到處燒殺搶掠隨意威逼裹脅並膽敢妄立僞王僞侯名目其爲謀反大逆實屬無異若非趕緊剿辦勢必釀成大患幸賴我 皇上天威各路將士皆能用命於旬

月之間在風天雪地之中晝夜捨死忘生奮勇轉戰統計先後得獲大勝八次保全散罕等旗及平泉建昌赤峯等州縣克復貝子府等處逆賊所殺不下萬餘之多其被害之人均經飭令鄉社分別保釋其餘小股或四五百名或二三百名均已隨時剿滅不計其數現在散罕喀拉沁兩旗均已稍安尙可仰慰宸廑惟奴才所帶各營官兵自奉調以來役無不戰戰無不克旬月之間轉戰方圓數千里手持鎗礮足履寒冰衣不解帶馬不離鞍臨敵奮不顧身有進無退備嘗艱苦不一而足或攻克堅圍或臨敵親戰每於鎗礮雨驟之中皆能不避生死冒險取勝奮勇可嘉實屬異常出力未便沒其微勞謹遵 旨彙案保獎如蒙 俞允准其照擬給獎出自逾格 鴻施再各營出力哨弁暨後路冒險轉運文武各員俟肅清後再行彙案請獎合併陳明 上諭葉志超奏官軍克復貝子府老舉擊破下長舉賊團現將散罕旗匪剿殺殆盡請將出力員弁獎勵一摺散罕貝子府及下長舉等處前被賊匪盤踞經提督聶士成等議定先擒貝子府老舉十一月十八日馳抵該處督飭將領四面環攻鏖戰多時賊勢不支我軍奮勇突陣各營乘勝攻入陣斬賊首王正等數名殄斃匪黨五百餘名餘賊紛紛逃竄經馬隊跟蹤追剿傷斃三百餘名奪獲鎗礮刀矛旗幟車馬甚多當將貝子府克復官軍乘勝回攻下長舉該逆抵死抗拒我兵鎗礮齊施賊眾奔潰生擒僞軍師孔慶廣擊斃逆首王勛等三名夥賊千餘名潰竄搜殺殆盡被脅難民分別

開釋現在敖罕喀拉沁兩旗一律安謐在事出力員弁均屬奮勇可嘉自應從優給獎以昭激勵仍著葉志超飭令聶士成等分派隊伍搜剿竄匪毋留餘孽以絕根株餘著照所議辦理該部知道單併發○內  
中道麟嘉恭詣 孝東陵致祭○丁酉 上詣 中正殿行禮○黃西城城營室煨臘米石○長順奏三  
姓等處被災報聞○戊戌定安俗祿奏前經總統豐陞阿督飭奉省官軍擊散竄聚黑城子匪匪並請桂  
林等剿捕大帽子等處匪徒獲勝情形經 奏才等於十一月十五日恭摺奏報在案自黑城子匪匪擊滅  
後秦省近邊一帶亦無賊蹤奉軍統領左寶貴出邊與豐陞阿會商督飭各軍分路向前進剿十一月十  
八二十五二十九等日先後接據左寶貴豐陞阿報稱派出山北路進剿之秦軍營官儘先游擊金得鳳  
等探聞庫倫正西之三道渾子聚有賊匪三百餘人當即帶隊馳剿該匪聞風逃竄十一月初九日戊刻  
追至相距庫倫一百八十餘里之開太廟地方賊匪在廟屯聚金得鳳等乘夜與馬隊營總托克通阿直  
前圍擊該匪知覺列隊出拒我兵奮勇爭先鎗斃賊匪一百餘名生擒馬占雙王有山雙喜三名訊據供  
稱此股係王俊孫亭儀二人爲首陣斃各匪有孫亭儀在內王俊帶領餘匪竄往鄂爾土板並訊悉鄂爾  
土板一帶盤踞股匪甚多當將該犯等正法其時馬隊營官尤得勝步隊營官張兆熊由哈拉套力改進  
剿之隊相離不遠即約會分路進攻十一月十三日丑刻尤得勝張兆熊先馳至距鄂爾土板八里之衛



門營子整齊馬步隊伍直抵賊巢督飭由東西兩路分進並派營弁王瑞岐等帶隊由叢林中鑿各巷口堵截以防逃竄維時村外賊匪數百名列陣抗拒各隊一湧上前殺入賊隊陣斃賊匪五十餘名賊勢難支退入該處當舖房內恃其牆垣高固拆牆死拒我軍四面撲上刀砍鎗刺復斃賊一百五十餘名適鎗火燃及西南草堆賊匪驚潰奔竄復經王瑞岐等在於街外截殺多名其未逃出者亦多燒死火內當時生擒僞元帥王鳳得僞先鋒王二黑等訊明卽在軍前正法十四日早偵得白姑土卽寶各圖有馬賊三百餘人步賊八百餘人前來鄂爾土板救援尤得勝等帶隊迎擊該匪蜂擁而至列分七隊拒戰我軍步隊趁勢攻擊馬隊包抄其後正在攻擊之間適金得鳳督隊亦至會同夾擊由斜刺殺入該匪腹背受敵力不能支遂大潰亂各軍鎗擊刀砍斃賊四百餘名賊衆奔逃復經馬隊幫帶高成哨官楊建勝等追殺六十餘里又斃賊一百餘名餘匪四散奔竄在陳家窩柳河甸子等地方正遇副將陳楠森游擊馬占璽佐領常恩等赴鄂爾土板一帶之隊復各截殺五六十名並經陳楠森等擒獲賊目徐英野夥匪二十餘名常恩擒獲夥匪趙盛等二十餘名訊據所獲徐英供出賊首齊鳳卽齊保山又名齊洛道在朝北營子經官兵在陣鎗擊受傷右髀擊斷未死被餘匪救出逃至煤窰溝藏匿後傷陳楠森隨即親帶隊伍馳至煤窰溝查拿將村圍住該處尙聚有匪徒百餘名出向抗拒陳楠森督隊進攻立斃賊匪三十餘名生擒

僞先鋒李洪才等二十餘名卽將匪首齊保山卽齊洛道一併擒獲並奪獲黃傘一柄是時左寶貴馳抵軍前當將徐英李洪才暨前獲各匪訊明正法並將齊鳳卽齊保山派弁押解送省查看鄂爾土板寶各圖之賊已經搜剿殆盡探聞距寶各圖六十里建昌縣界之干溝子地方有賊盤踞甚多穴竊安礙爲負隅之計近村六屯各有踞匪相爲犄角左寶貴當卽帶領陳楠森金得鳳尤得勝馬占龍楊建德張兆熊魏希古王占魁等馬步各隊直薄干溝子賊巢該匪列陣迎敵馬賊約有三百餘人步賊約千餘人分三隊來撲左寶貴督飭馬隊上前迎擊相持一時之久殲斃馬賊二百餘名賊勢潰退我軍馬隊分抄邀擊步賊亦俱潰敗退入圖內據牆固守鎗砲並施我軍奮勇前進立將五處圍牆同時攻破斃賊六百餘名餘匪逃入西岸教堂係該匪老巢其中賊目極多圍牆高固鎗砲如雨各營哨官領隊爭先楊建春托克通阿涂景濤督隊繼至各弁兵奮勇直入鎗刀並舉立斃多名舉火焚燬又斃五百餘人自未至酉前後共斃賊一千四百餘名陣斬黃袍賊目一名生擒賊目黃洛師等三名教匪二百餘名其中身帶朱符紙咒者經左寶貴訊明立予正法並查內有裹脅百餘人當卽交附近該處之會首保釋搜獲婦女一百餘口訊係近村居民亦交會首分遣回家此處賊匪餘孽無多均向東西散金分竄十八日左寶貴復率同各營官跟蹤追剿詎至敖金賊俱聞風逃竄沿途搜獲逃匪十四名均訊明正法是時總兵聶桂林張永

清耿鳳鳴等亦各帶隊而至助剿探悉直隸官軍已將西路榆樹村碌碌科東西長橋貝子府等地方賊巢次第攻破其頭目多逃聚於二十家子楊太平楊太安之大教堂左寶貴商令薛桂林耿鳳鳴帶隊扼住白塔子一帶防賊分竄卽於十九日三更後親督各軍直搗二十家子賊巢一路山徑崎嶇溪溝歧出五更始抵該處見賊倚山爲壘防衛周備左寶貴相度地勢令張永清攻其左金得鳳攻其右楊建德尤得勝魏希古王占魁徐玉生各馬隊由山後分剿賊壘之背左寶貴親帶委員涂裕光涂景濤楊建春等督率各隊直攻壘前詎該匪探知我軍將至已先伏馬賊七八百名於山坡之間我軍攻壘內之賊發礮外擊山坡之賊突出包抄並有山南教堂之賊據高施放鎗礮整隊相援左寶貴督攻壘之勇迴擊馬賊相持數刻鎗斃落馬者無數適楊建德尤得勝由山後馳下合力奮擊共斃馬賊約二百餘人擒獲領隊僞元帥千化汶僞先鋒孫發二名餘賊分途奔竄當飭馬隊分追擒獲馬賊之賊百餘名乘勝環攻賊壘賊匪聞門死踞金得鳳隊長張朝第韓垣先登奪踞礮臺衆兵躍上快鎗礮擊共斃賊無數各軍環壘攻擊破門撲入刀砍鎗擊共斃步賊八九百名生擒教頭宋明僞軍師張惟一賊目楊連元及夥匪三百餘名其山南教堂獲賊三四百名因見陳楠森馬占鼐張兆熊督兵撲剿退入園內亦經陳楠森等攻破鎗礮環擊斬殺殆盡並該匪教堂均經焚燬查訊擒匪所供此次殲斃匪內有僞開國府楊悅春之夥

黨楊二少師及頭目張結姜幅徐立馮金祥黃曾中鎗身死當將生擒教首宋明低軍師張惟一干化汶孫發四名解省訊辦其餘所獲夥匪均在軍前正法訊明裏脅者分別保釋統計連獲勝仗六次先後奪獲賊馬旗幟鎗礮火藥器械車輛等項無算我軍陣亡之兵丁五名受傷四十餘名當飭妥爲調養至是一戰之後頭目殲斃過半餘賊不復成股所有敗殘餘匪均奔往赤峰縣烏丹城一帶左寶貴已派金得鳳楊建德魏希古各帶馬隊跟蹤追捕直隸亦有馬步各軍東來迎剿不難盡爲殲滅左寶貴於十一月二十二日與直隸提督葉志超在敖罕貝子府地方會面商明現雖大股逆匪已平而敗逃餘賊急須分路搜除務期根株盡絕免再復有嘯聚所有敖罕貝子府以東各路由奉省各軍分路嚴緝並將蒙漢民人妥爲安撫現左寶貴帶同所部馬步各營暫駐山灣子一帶豐陞阿帶同所部馬步各營暫駐清和邊門外一帶地方互相聯絡易於調度派令總兵葛桂林在下窪子一帶總兵張永清在鄂爾土板福興地一帶游擊尤得勝由下窪子東北草地以至庫倫一帶都司張兆熊由寶各圖東南以至新正屯一帶協領德源佐領依凌阿由貝子府以至永立各歹黑城子一帶記名副都統魁多在新爾色一帶各地方扼要分紮嚴行搜捕以清餘孽辦理情形隨時續報等情前來奴才等伏查朝陽各股匪經奉直官軍連次剿辦獲勝大股賊匪俱經殄滅所有逃匿匪黨搜除淨盡現經豐陞阿左寶貴分布各軍扼紮分緝並

將被難災黎隨處妥爲安撫辦理尙屬周密除飭仍將餘匪實力搜緝勿使稍留餘孽外所有奉軍續報  
獲勝大股賊匪俱經殄滅現在分布各軍嚴搜餘匪各緣由謹會同恭摺由驛馳陳 上諭定安裕祿等  
奏援剿朝陽各軍迭獲勝仗大股逆匪俱經殄滅現在分兵追捕餘匪一摺奉天官軍自擊敗黑城子踞  
匪後近邊一帶已無賊蹤提督左寶貴與副都統豐陞阿等督飭將領分路進剿十一月初九日至二十  
二等日迭在開太廟等處地方獲勝匪首孫亭儀等多名復在鄂爾土板煤等處擒斬僞元帥王鳳  
得等殄斃夥匪甚多並將賊首齊保山卽齊洛道拿獲正法鄂爾土板煤各國之賊搜剿殆盡千溝子爲  
該逆老巢經左寶貴等督隊齊往直薄賊壘該逆抵死抗拒我軍奮勇齊進立將五處圍牆同時攻破殺  
賊一千四百餘名其頭目均逃聚於二十家子地方經左寶貴督隊進攻斃賊十餘名生擒僞元帥于化  
汶僞先鋒孫發教頭宋明僞軍師張惟一等及匪黨三百餘名統計連獲勝仗六次先後奪獲賊馬旗幟  
鎗礮火藥器械軍輜無數敗殘餘匪不復成股奪往烏丹城一帶經左寶貴派隊進攻直隸各軍亦東來  
迎剿不難盡數殄除卽著定安裕祿飭令在事各軍分路窮搜務將敗匪剋日殄除毋留餘孽此次奉天  
派出各軍奮勇剿賊與直隸各軍同奏膚功深堪嘉尙所有出力員弁著定安裕祿核實保奏候有施恩  
該部知道○定安裕祿奏齊保山卽齊鳳又名齊洛道係在朝陽放竿旗起事首要之犯前經拿獲該犯

同夥匪首潘岳淋供稱該犯在朝北營子經官軍在陣殲斃嗣於十一月十七日副將陳楠森在陳家窩  
鋪擒獲賊目徐英訊出該犯齊保山在朝北營子受傷未死經其夥黨救出逃至煤窖溝藏匿受傷當經  
陳楠森帶隊前往將該犯拿獲呈由左寶貴解送到省查驗該犯右腳斷落訊據供稱該犯係建昌縣人  
在教罕貝子旗居住素習金丹教名曰學好傳徒惑眾去年十一月本年五月該犯胞弟胞姪在黑山私  
砍柴草先後被蒙古旗拿獲懲辦身死心懷忿怨本年十月間金丹學好教匪起事該犯同潘岳淋與蒙  
古旗均有仇恨亦糾邀同夥教黨一千餘人十月十一日同至教罕貝子府燒搶殺死蒙古多人後該犯  
與潘岳淋帶領夥匪前往東土默特地方搶奪貝子府沿路燒殺蒙古村屯無數十月二十七日竄至朝  
北營子卽被官軍擊敗該犯右臂腕被鎗子打折右腳斷落落馬墜地經其夥黨將該犯救出逃散潛至  
煤窖溝地方同教李洪才處藏匿養傷不料被官兵查知拿獲到案等語其由左寶貴解到僞元帥于化  
汶僞先鋒孫發僞軍師張惟一僞教師宋明亦俱逐加嚴訊據供同被楊四卽楊悅春糾邀入夥習學金  
丹學好教本年十月間楊悅春等起事令該犯于化汶爲僞元帥孫發爲僞先鋒均帶白旗隊張惟一爲  
僞軍師代爲打仗擇日宋明管理車輛器械均燒搶蒙古拒敵官兵在二十家子打仗被官兵擒獲各情  
不諱查該犯齊保山于化汶孫發張惟一宋明等五名係習教匪徒屢次燒搶劫掠拒敵官兵實屬罪大

亟極未便稍稽顯戮奴才等當於訊明後將該犯等卽行正法並將該犯首級懸竿示衆以昭炯戒理合附片陳明報聞○已亥 上諭 大高殿祈雪○張之萬等奏海軍衙門咨稱海防新捐展辦一年將屆期滿此項捐款專爲本衙門籌備海防之用現在北洋一枝雖已成軍船礮臺並租具惟於布置一切尤當隨時相度與合機宜然動輒約需鉅款而南洋應辦事宜亦當次第兼籌俾得海上無虞期臻鞏固查上年十一月十七日經戶部奏准海防新捐展辦一年刻下將屆期滿詳酌至再此項捐款勢難停止亟應預爲咨明以限滿之日起再行接展一年所有收捐條款銓補章程悉仍其舊等因知照前來臣等伏查光緒十五年十月臣部因鄭工捐輸限滿遵照海軍衙門奏准之案請停鄭工捐輸接辦海防新例所收捐款均歸海軍衙門動用並於會奏銓補章程摺內聲明新海防捐例以一年爲限扣除封印日期屆滿卽行停止又於光緒十六年十一月復經臣部奏明新海防捐款本應全數接濟海軍前因順直水災請將八九十三餘月賑銀撥歸賑務雖十一月以後仍由海軍衙門動用計將限滿誠恐收數難愜急需自應遵照奏案請展限期部庫以光緒十七年正月二十八日限滿之日起外省各以新海防捐開辦一年限滿之日起扣去封印日期統行接展一年欽奉 諭旨允准通行遵照各在案茲查新海防捐輸初次展限卽將屆滿既據海軍衙門先期咨明籌備海防動需鉅款此項捐例未便遽停擬請將新海防捐

輸於初展一年限滿後再展一年俾得廣集捐資藉供要用所有收捐條款銓補章程悉仍其舊以免紛更恭候 命下卽由臣部行文各自遵照辦理得 旨如所議行○庚子 上御承光殿與國使臣畢格晤本親見○崧蕃奏查下江寨苗滋事因差役往查社倉穀復有假差需索外匪煽惑糾眾起事屢經開導復敢出寨搶掠業由前護撫臣黃槐森咨會古州鎮丁槐就近酌調上江都勻荔波三營練軍相機懲辦奏報大概情形奴才前於到任後卽飭該文武乘勝接辦撫局亦經奏明在案於十月初七日准兵部火票遞回原片後開奉 硃批覽奏已悉卽著妥籌剿撫速為辦結並查明注承恩如有激變情事卽行從嚴參辦欽此奴才遵卽恭錄行知並飭營務處藩司王德榜臬司黃槐森分飭文武員弁遵照辦理現准古州鎮丁槐署貴東道袁開第轉據文武員弁稟報八月十二日該苗聚數百人在該縣對河燒燬孖溫溪塘等多寨殺斃舒大貴林老二等多命我軍分隊渡河護衛居民繞道堵剿斃匪多名嗣勇協同截擊復斃匪數十人並生擒首匪梁老得蒙政八等八名收隊回營解交該管官訊明先後正法十五日該匪復聚黨二百餘人潛由獵鵝地方梟水過河圍攻縣城我軍偵探前迎截堵斃苗匪甚衆淹斃者亦復不少兇鋒大挫迨二十三日晚加葉寨苗首率眾來營請降願為內應二十七日黎明時該管帶將弁督兵由加葉寨進攻加車逆寨該匪持械衝出抵禦我軍奮勇接仗陣斬二十餘人餘黨潰逃往月



亮山子寨因地勢險巖未便窮追遂擇要紮營以防回竄適查獲老苗故魁故鳩二人縱令傳諭招撫兩旬以來招集男婦大小一千數百名口歸寨安業並誘獲匪首老勞卽老羅故你故當老弄老扯華老留等六名餘匪外逃並呈繳器械多件一併解驗訊辦等情由該鎮道提訊各犯供明前情屬實詳報前來奴才確查此案緣該屬苗人動用義穀私製軍械該屬汪承恩飭差楊亥往查並有假差汪士貴藉端嚇詐該苗疑懼適因外匪煽惑遂糾衆起事經前護撫臣黃棟勲將汪承恩撤任並飭將該差楊亥監禁候辦另委白建勳接署諭令親往妥爲撫諭解散以期連結白建勳於到任後先據遣人傳諭繼以耀示兵威冀圖畏服而該苗竟敢衆聚出隊燒燬多寨殺斃多命圍攻屬城實屬狂悖已極茲經文武員弁竭力防禦相機剿撫該屬城藉以無虞而九十餘寨苗民一律綏靖堪以仰慰 宸廑所有拿獲各犯除逆首臬老留一犯生供確鑿雖因傷身死仍應戮屍老勞卽老羅故你故當老弄老扯等五犯供認叛逆不諱罪無可赦應請按照軍法就近懲辦老苗故魁故鳩二名反正投誠招徠各戶歸業誘獲各犯懲治並結認神糧在逃悍匪獻功情有可原應請免究以示法外之仁仍飭該撫屬妥辦督後事宜緝拿在逃匪犯並查明被苗匪殺傷戶口妥爲安撫以示體恤至汪承恩雖無縱差激變情事惟飭差楊亥往查已難免需索復有假差汪士貴藉端嚇詐致生事端該屬並不查究實屬異常昏惰除已飭嚴訊楊亥確供懲辦

並懸賞緝拿汪士貴外應請將汪承恩革職以示懲儆此次在事文武員弁不避險阻奮勇向前不折一兵收功一旦良由古州鎮丁槐曉暢兵機鎮靜相待並墊款懸賞會商署員東道袁開第指揮將弁皆能用命不無微勞合無仰懇 天恩勅部一併從優敘誥將出力之文武員弁繕具清單恭呈 御覽可否獎勵以示激勵之處出自 鴻慈尙有在事出力兵練紳團應由 奴才酌給外獎以示鼓勵再查管帶荔波營練軍總兵銜記名副將勒勇巴圖魯全忠孝謀勇素裕前因剿辦獨山州屬土匪陸老瓊案內出力經前護撫臣黃槐森保獎請以總兵記名 簡放在案此次與管帶下江營練軍補用副將果勇巴圖魯周起鳳深入苗寨山行露宿奮勇忘勞感受惡瘴均帶病回營病故情殊可憫擬請 恩施將全忠孝周起鳳照軍營病故例從優議卹以慰忠魂 上諭岑毓英奏官兵剿辦下江屬苗匪事竣分別擬請將出力各員獎勵一摺貴州下江屬屬寨苗滋事經總兵丁槐等督軍剿辦先後斃匪多名生擒匪首梁老得等正法官軍進攻加車逆寨復陣斬二十餘人餘黨逃往月亮山子寨旋經招撫一千餘名並獲匪首老勞卽老羅等六名正法官苗民一律綏靖辦理尙爲妥速仍著岑毓英飭令該府屬等將營後事宜妥爲經辦並將逃匪犯緝拿務獲毋任別滋事端該總汪承恩雖無激變情事惟於差役需索並不查究實屬昏愎汪承恩著卽行革職餘著照所議辦理古州鎮丁槐署貴東道袁開第均著交部從優議敘病故總

兵銜記名副將全忠孝補用副將周起鳳均著交部照軍營病故例從優議卹其餘請獎出力各員著該部議奏軍併發○辛丑遣載卓恭詣 昌西陵致祭○予年逾百齡五世同堂之直隸寧津縣壽民魏連有旌表並賞銀段○葉志超奏十一月二十八日承准軍機大臣字寄光緒十七年十一月二十三日奉

上諭葉志超奏官軍連戰皆捷現由東北一路進掃賊巢並三家子地方擊賊獲勝情形各摺片覽奏均悉各股匪徒經官軍擊敗後分路竄逸赤峯縣城東南西三面不下十餘起又有馬賊千餘人竄至烏丹城佔踞貝子府經副將潘萬才等會同進剿迭獲勝仗黑水一帶之賊竄回喀拉沁窪經提督聶士成在碌碌科一帶接仗獲勝跟蹤追剿將逆首王殿發李坤聯斃奪獲鎗礮器械甚多餘賊竄併下長皋現派隊向楊家灣抄擊斷賊接濟辦理尙合機宜建昌以南地方業已粗安平泉後路現調吳育仁一軍駐紮復據李鴻章奏添派副將呂本元等率領馬隊五營馳往助剿聲勢尤壯卽著葉志超身臨前敵激勵衆心分派各路將領四面兜擊務將各股匪徒迅速殄除毋任勾結竄擾一面出示解散脅從以孤賊勢仍將辦理情形隨時具奏用慰廑系等因欽此遵 旨寄諭前來跪聆之下感悚莫名奴才進駐敖罕貝子府地方業將潘萬才傳廷臣先後進剿北路各處股匪迭獲全勝合兵一處攻打烏丹城等處各緣由於二十六日馳奏在案茲於二十七日接據潘萬才傳廷臣稟報該營於十四日馳至梧桐華地方探悉

逆首僞捕北武聖人李國珍自十一月初十日佔踞烏丹城旬日之間誘脅馬步賊匪四五千入十分兇悍自烏丹城迤北至那林溝巴林王旗地面接連八十餘里妄立二十餘營按八卦方向混立名目每營馬步賊或二三百名或一二百名不等各有僞軍師僞將帥副帥帶領俱聽李國珍號令自東翁牛特王府地面迤其焚掠馬匹並鎗礮火藥盡爲賊得贓敗旗布逆示編造叛逆妖言於次日四鼓傳齊馬步隊急馳六十里黎明抵烏丹城該處北大寺重垣高厚十分堅固逆賊佔爲老巢一聞兵至率領馬步賊一千餘人出寺列隊以待卽督飭幫帶潘萬銓哨官繆自成各率本隊攻其中堅營官蔣廣棟及各哨官等分爲左右包抄橫擊應戰逾時斃賊五百餘名該逆退踞寺內鎗礮外擊官軍以車代梯奮勇齊上立將寺院攻破又擊斃多名生擒梁寅成父子二人及夥黨難民令鄉社認明分別保釋奪獲大礮四尊鎗鎗十五桿鳥鎗刀矛器械五百餘件賊馬二百餘匹我軍受過骨重傷六名受輕重鎗刀傷八名訊據梁寅成供稱逆首李國珍因平泉北及赤峯一帶股匪迭被官軍殲除該逆擁衆三千餘人意欲直犯赤峯北面希圖再行裹脅留梁逆在烏丹城北大寺以防後路官兵追剿復被梁逆焚掠東翁牛特王府等情於訊明後將該逆父子及生擒賊匪一併梟首示衆以快人心隨於十六日四更商同起程因朔風迎面步隊難行挑選一半卽將所得賊馬分給乘騎其餘步兵留駐烏丹城北大寺以備緩急黎明馳行五十里

擒獲賊探四名訊知逆首僞將帥張雙僞副帥周寬等率領八百餘賊在七顆樹地方圍攻合成燒鍋經  
宣化練軍營官郭萬隆徐立川偕同克什克騰旗蒙兵各帶隊伍擊退現在那林溝盤踞與我軍僅隔一  
山約有四里餘卽將賊探斬首一同督兵馳往該逆在山下遙見官軍膽敢列隊莊前鎗礮迎拒潘萬才  
帶同潘萬銓繆自成率勁隊攻其中堅傅廷臣蔣廣棟率領隊伍分爲四路用快鎗橫攻擊斃賊首僞將  
帥張雙僞副帥周寬等多名賊始披靡退入莊院合齊步賊憑牆復拒經官軍分路進攻越牆而進鎗擊  
刀砍共斃賊五百餘名正在搜捕間距相隔十里之頭分地之賊六七百人蜂擁來援飭令卽用知縣汪  
鵬駿員海元及陣亡州判于甫筠之子于冲漢哨官尙鴻恩林蔭元搜擊匪黨潘萬才傅廷臣率隊迎擊  
該逆燃礮攻拒血戰逾時斃賊甚夥逆衆敗退我軍追殺十餘里屍橫遍野共斃賊六百餘名奪獲鎗礮  
不計其數賊馬二百餘匹我軍隨卽整隊前進至頭分地地方該處前後兩莊相連各有踞賊約三四百  
名沿牆礮眼極多向外施放子如雨集潘萬才傅廷臣明知近逼猛攻本非善策然前後皆賊若不乘勝  
急攻稍有遲緩必至反受其困潘萬才仍親督潘萬銓等進攻前莊傅廷臣進攻後莊各自奮勇直進正  
在猛攻間遙見八里之安家窩鋪來賊二三百人前來救援復經汪鵬于冲漢尙鴻恩林蔭元各率兵勇  
扼要堵截擊斃馬步賊百餘名餘賊四散奔逃我軍追殺殆盡潘萬才血戰逾時全隊繼進立破前莊擊

斃三百餘名其後莊之賊尙有三四百名亦被傳廷臣同時攻破又擊斃三百餘名無一漏網得獲大礮二尊擄鎗鳥鎗甚多賊馬百餘匹大小車四輛我兵陣亡五名受傷十三名當令暫駐五更哨探兵丁報稱逆賊約有數百吶喊而來我軍整隊出莊俟賊逼近號令一聲快鎗齊擊一時之久獷悍之賊擊斃甚多逆賊潰散奪獲大礮十尊擄鎗十二桿鳥鎗刀矛三百餘件大紅圓硃輪車一輛小車六輛大車十二輛賊馬三百餘匹並於車內搜出逆匪往來書信黃蝶袍一件逆示多張紀效新書冬明歷萬全通各一本及偽神牌等件陣擒僞元帥牛呈祥一名訊知此次妖師李國珍擁衆前來欲乘官軍竟日血戰兵力疲乏勢取勝不意官軍變化策應如此勇猛訊明後立將該逆斬首查點我軍馬隊哨官繆自成步隊哨官尙鴻恩哨長林蔭元均受鎗傷陣亡四名受刀矛重傷者十一名趕爲醫治此連日不分晝夜奮勇擊賊數戰皆捷沿途剿滅賊踞村莊首要悍賊鎗斃甚多餘賊漏網無幾所有賊之火藥鎗礮器械盡爲我獲之實在情形也十七日宣化練軍營官郭萬隆徐立川暨蒙員阿彌各隨率隊前來頃分地當與晤面據云知我軍已將北路賊匪剿滅前途已無賊蹤該軍在克什克騰界內暫駐搜捕茲據留駐烏丹城北大寺步隊巡檢傳丙南從九品武盡美等督率兵丁出寺鎗打刀砍一百餘名生擒八十餘名查驗多有受傷訊悉是被我前敵擊敗之賊傳齊鄉社認出僞捕北武聖人李國珍一名右脅已受洋鎗重傷又

有僞軍師孟姓一名逾時因傷斃命餘賊全行殺戮共得賊馬百餘匹鎗礮刀矛二百餘件等情飛報前來潘萬才與傅廷臣商議北路既無賊氛於十八日撤回烏丹城提訊妖師李國珍供認十月十二日在敖罕地方與張雙周寬薛殿寬等五百餘人起意倡亂燒殺蒙古擒奪鎗礮馬匹謀爲不軌比至小河沿旬日之間裹脅數千人羣推妖師李國珍爲掃北武聖人分掠東翁牛特各旗盤踞烏丹城北大寺爲巢穴分黨佔踞數十里積草屯糧挾衆抗拒官兵等情不諱查該逆倡亂以來焚燒兩王府數百里蒙部均被蹂躪慘不可言本應解赴行營惟該逆身受洋鎗重傷奄奄待斃恐其幸逃竄戮於訊明後將該逆押赴通衢凌遲易示以昭炯戒刻下烏丹城一帶賊匪全數盪平仍不時派兵偵探賊情如有蠢動再行進剿正在繕摺間又據潘萬才傳廷臣稟報二十一日自烏丹城東行至敖罕扎薩克王府已無賊蹤當撥兵看守王府二十二日至建昌所管崗營子據赤峯練總儘先把總膠鳳離拿獲妖師張才及賊首劉鳳林等六名解送前來當即訊明實係倡亂之賊立即正法二十三日行至元寶窪適敖罕扎薩克王前來當與晤而練陳被賊擄害各節並交所獲賊首張幅等八名訊明正法二十四日至騰克力勘驗該王墳墓盡被掘焚棄屍骸慘苦情形不可言狀等情前來奴才伏查妖師李國珍爲赤峯一帶總逆首旬日之間聚積數千人到處焚燒蒙古不分老幼一併殺害並膽敢將敖罕王祖墓及公主陵寢均爲掘毀實

屬罪大惡極難逃顯戮幸賴我 皇上天威將士用命於數日內不分晝夜將此大股逆匪撲滅現在烏丹城一帶地方稍稱安謐堪慰 宸廑 上諭葉志超奏官軍進攻烏丹城一帶股匪擒獲逆首並剿滅大股情形一摺逆首李國珍糾合僞軍帥孟姓僞帥張雙等裹脅賊眾四五千人在敖罕地方倡亂分掠東翁牛特各旗踞烏丹城北大寺爲老巢留僞帥梁貴成父子駐守勢甚兇悍十一月十五日副將潘萬才傳廷臣督軍馳抵北大寺該逆列隊迎敵鏖戰逆時賊五百餘名該逆踞守內憑牆死拒我軍奮勇齊登立將寺院攻破生擒梁貴成父子正法殄斃那林清諾逆張雙等多名乘勝攻克頭分地賊巢陣擒僞帥牛呈祥賊眾無一漏網沿途擊斬逆賊甚多該逆李國珍率眾折回老巢經巡檢傅丙南等出隊奮擊鎗斃僞軍帥孟姓生擒逆首李國珍正法肅示其餘賊黨張才等十餘名亦經把總滕鳳隆等拿獲解營正法統計是役先後斃賊無算奪獲鎗炮車馬不計其數烏丹城一帶股匪全數蕩平合之貢子府下長舉之捷東北西北兩路均就肅清提督葉志超調度有方將士用命兩月以來所向克捷用能迅掃逆氛深堪嘉尚葉志超著加恩賞黃馬褂並賞給雲騎尉世職以示優獎仍著分飭各營將弁搜捕餘匪務淨根株以靖地方該部知道○葉志超奏奴才自剿辦賊匪以來詢悉各處蒙漢人等無不知楊悅春爲起事叛逆之首所擒逆匪頗多均稱楊悅春爲僞開國府總大教師於十一月二十六日將前懸賞



格督飭各路官兵購獲訪拿僞開國府總大教師楊悅春總期務獲各等情於二十六日附片陳明在案  
茲於二十七日訪得逆首楊悅春自官軍進圍下長舉之時該逆已先期赴北路糾邀夥匪救援因知官  
軍圍困甚密未能來援卽逃赴色力虎金廠溝山洞之內潛藏欲俟官軍撤隊再出煽惑當飭提督派士  
成密飭各隊連夜竭力馳往至黎明趕到將金廠溝土山四面嚴圍按洞搜查經官兵等在洞內將逆首  
楊悅春父子叔姪大名一併擒獲刻卽押解來營奴才提審該逆首楊悅春供認妄立金丹道教多年平  
泉建昌赤峯朝陽四州縣愚民被其煽惑者誠爲不少並因愚民素有嫌隙假以營殺大主堂爲名乘間  
起事於十月初間開貝子調派兵一千餘人託詞打獵實欲剿殺金丹道教卽聚夥竊數千人乘蒙兵  
未齊將貝子府攻破燒殺蒙古大小男婦不可勝數旬日之間裹脅數萬自官兵出口剿辦以來逆賊疊  
被懲創所有強悍道匪均爲殺戮殆盡現今又被拿獲等情不諱奴才伏查逆首楊悅春爲金丹道教起  
事總教首伴修營事煽惑愚民將藩服燒殺並掘墓拋屍罪大惡極所有數萬生靈盡被該匪殺害若不  
懸賞設法嚴拿拿獲實難盡絕根株今幸被官兵擒獲足昭天誅而快人心現在散罕各王旗一律肅清  
已遣達大學士直隸總督臣李鴻章先行代爲電奏其在事出力擒獲逆首之員除照前分別給賞外謹  
繕清單恭呈 御覽如蒙 俞允准其照擬給獎出自逾格 鴻慈 上諭葉志超奏官軍擒獲逆首散

罕各旗一律肅清請將出力各員獎勵一摺逆首楊悅春倡立金丹道教名目煽惑愚民蔓延平泉陽  
建昌赤峯四州縣並因興蒙古有喀輒敢假借殺天主堂爲名糾黨滋事焚燒掠劫數萬生靈遭此毒害  
先後經葉志超督軍進剿迭獲大勝該逆被剿窮迫逃赴色力虎金廠溝山洞藏匿意圖乘間復出竄擾  
經提督聶士成帶隊馳往嚴搜將逆首楊悅春父子叔姪大名悉數擒獲洵足以伸天討而快人心現在  
放罕各王旗一律肅清所有單開擒獲逆首出力之副將楊元昶著免補副將以總兵交軍機處記名遇  
缺請旨簡放並賞給健勇巴圖魯名號參將張復成著免補參將以副將儘先補用並賞給奮勇巴圖魯  
名號守備繆自成著免補守備以都司儘先補用並賞戴花翎衛守備胡程著免補都司以遊擊儘先  
補用並賞換花翎文童范家麟著以主簿不論雙單月遇缺卽選並賞戴藍翎以示獎勵該部知道單併  
發○葉志超奏口外馬賊道匪肆行滋擾奴才迭飭管帶練軍馬隊中營參將張錫祿調集分防各隊合  
力進剿並偵探賊蹤隨時飛報乃該參將株守一隅蓋若罔聞並不會合進剿亦不探明賊情切實具報  
實屬不知緩急貽誤事機若不從嚴參辦不足以示懲儆相應請 旨將副將銜儘先參將張錫祿卽行  
革職永不敘用以儆玩愒得 旨如所請行○李鴻章奏查直隸地勢西南多高東北多下旱則赤地千  
里溼則一片汪洋偏災恆有小民待耕而食素鮮蓋藏偶遇災荒流離就道賑撫之款不可不預爲籌儲

卽如上年各屬猝被水災數百萬垂盡災黎嗷嗷待哺慘難言喻目下賑務未能速撤恐前慈後尤當爲  
綢繆未雨之謀據籌賑局司道以現在辦理工撫力求節省捐款尙有餘存因查光緒九年十三年前順  
天府府尹周家桐薛福辰任內曾將賑餘銀兩發商生息作爲順屬備荒成本擬請仿照辦理提撥銀四  
十萬兩發交殷實號商分別承領認息以備順直各屬災賑之用請奏明立案前來臣查所議酌提賑捐  
餘款發商生息專備賑撫要需紓根本重地民生休戚最重 宸慈得此鉅款儲備緩急有恃俾免臨  
事棘手大局裨益非淺當飭該司道照議辦理無論地方何項公用不准擅挪絲毫將來賑需提撥若干  
仍隨時奏明以昭核實下戶部知之○壬寅雪○道載澍恭詣 定陵致祭○戶部奏預撥光緒十八年  
分京餉銀七百萬兩酌數各省關地丁鹽課釐金洋常等稅情形指撥數目限於明年五月以前解一半  
到部其餘一半統限於明年十二月以前解清到部倘有延宕指名糾參如指撥不敷俟明年春酌撥隨時  
奏請續撥得 旨如所議行○戶部奏所有光緒十八年分東北兩路邊防經費請於各省關地丁鹽課  
釐稅各項下共撥銀二百萬兩限明年五月以前解部一半十二月抽數解清儘有遲延指名糾參得  
旨如所議行○葉志超奏口外地面遼闊山路紛歧自金丹道匪由敖罕倡亂以來煽惑愚氓殘害黎民  
糾集黨羽妄立僞號顛倒叛逆旬月之間由數千聚至數萬人心搖動亦屬不少分陷朝陽焚署劫獄平

泉建昌赤峯三州縣及接壤之秦省沿邊一帶大小股匪同時響應或多至二三千人少亦數百人盤踞險要蹂躪地方勢成燎原若進兵稍遲承德府不堪設想幸大學士直隸總督臣李鴻章久經軍事全局在胸一聞朝陽警報卽電飭各軍挑選精銳預備調遣並飭軍械練餉各局籌備軍火糧餉源源接濟電報則消息靈通鐵路則轉運迅速而各軍將士相距口外千餘里山路崎嶇皆能宵征不憚數日內先後趕到當奴才由古北口馳赴熱河正值人心惶惑倉猝辦糧草殊屬不易比商前任熱河都統臣德福卽飭熱河道廷雍前承德府知府啟紹隨處設局委員經理以足兵食而沿邊各隘口復經直隸督臣李鴻章調飭通永鎮總兵吳育仁分兵防堵後路無憂俾奴才專心兵事督飭各將士奮勇前進極力攻剿諸將皆能臨敵用命匝月以來大小數十仗轉戰於冰天雪地之中追賊於深山窮谷之內風餐露宿墮指裂膚均能不避危險鼓勇爭先幸賴我 皇上天威迅能殄滅醜類掃蕩賊氛藩服既綏而地方復靖皆直隸督臣李鴻章善於謀畫各員弁勇於從役之力也所有身臨前敵並嚴防後路員弁及冒險轉運軍火糧餉文武各員均係異常出力當與直隸督臣李鴻章會商請獎其陣亡官兵飭令造冊奏請照例分別從優議卹受傷弁兵已由奴才飭令各將領分別輕重等第給賞並飭妥爲醫治惟散罕貝子府一帶爲逆匪起事老巢其間居民或爲煽惑或爲脅從入其黨者居多雖經提督蒞士成督率馬步各營節

節攻克並擒萬才傳廷臣及奉天練軍在各處共鎗斃陣斬逆賊二萬之多其解散脅從及經鄉社認明分別保釋者不知凡幾雖經苦口開道遍貼曉諭准其改過自新各安生業猶慮梗頑難化習氣未除若不留兵彈壓誠恐死灰復燃後患漸萌當飭戰士成統率武毅副中營步隊暨游擊夏青雲練軍馬隊後營駐紮貝子府之楊家灣子一帶總兵蘭福喜練軍馬隊中營駐紮朝陽參將傅廷臣練軍右營駐紮建昌游擊沈大鰲練軍前營駐紮平泉參將葉玉標正定練軍右營駐紮建昌之楊家杖子東平房一帶其赤峯一處已咨商熱河都統衙門酌派旗營馬隊前往駐紮建昌與遼寧交界之湯道河高爾砬地方咨由直隸督臣李鴻章飭吳育仁留派通永練軍一營駐紮彈壓其貝子府後面至朝陽東北與奉省毗連各處經奴才與統領奉軍威東高州鎮總兵左寶貴會商留派奉軍三營扼要分紮並飭留駐各營分哨輪流巡緝不准騷擾地方時與奉軍約期會哨遇有緩急不分畛域互相剿辦俟明春天氣和暖耕作俱興可期民心安定再行察看情形撤隊回防所有現在應撤各營已飭由前經有賊盤踞剿平之處分路搜剿緩行回防至於撫恤被害蒙漢及辦理一切善後事宜均關緊要奴才已咨由直隸督臣李鴻章並熱河都統衙門遴選明幹大員親臨被賊擾害各屬督飭文武地方官認真籌辦緝查保甲務期蒙漢守望相助聯絡一氣不至再生事端奴才擬拜摺後卽由貝子府起程赴建昌平泉清理後路轉運事件理

合會同大學士直隸總督臣李鴻章恭摺馳奏 上諭葉志超奏官軍剿辦賊匪熱河及王旗地方一律肅清酌留兵隊彈壓撫綏並起程日期一摺籌辦尙屬周妥著依議行熱河教匪倡亂以來妄立偽號糾集黨衆害生靈旬月之間延及四縣並各王旗地方勢甚猖獗經官軍分路進攻迭獲大勝首從各犯次第殄擒各股逆匪漸就肅清逾二月搗穴擒渠全功告成剿辦甚爲妥速除葉志超及礮士成潘萬才傅廷臣等已加恩獎外李鴻章於該逆起事之初一聞警報立即調兵撥餉遣派將領迅赴戎機盡殄醜類實屬調度有方定安裕祿均著交部從優議敘熱河被賊蹂躪各處民情困苦著李鴻章籌撥賑款揀派明幹大員前往會同熱河地方官妥爲施放並將善後一切事宜會同查核認真經理以拯凋敝而惠閭閻此次匪徒滋事焚燬教堂仇殺蒙古蓄謀已非一日該地方文武先事毫無覺察臨事疏於防守以致變起倉卒貽害民生重煩民力實堪痛恨著李鴻章查核查明失事各員據實嚴參毋稍寬縱該部知道○福潤奏東綱沂水縣鹽務自道光二十九年改歸官辦以來行銷頗爲暢旺上年四月間據選知縣傅政源等以鹽巡在外滋事請將該縣鹽課改歸地糧徵收呈經都察院據情具奏欽奉 寄諭交前撫臣張曜查辦旋經張曜覆陳請招股實商人先行試辦一年仍委委員前往彈壓部議照准令俟一年後體察情形奏明辦理奉 旨允准咨行知照在案時以股實商人驟難招募據鹽運使具詳查有分省

補用知縣吳承恩於鹽務頗爲熟悉擬請暫委試辦當經張曜批准計自該員接辦至今已逾一年細察辦理情形仍屬諸多未協運銷亦覺減色奴才伏查該縣地方鄰近日照灘場私販素稱充斥故無論官辦商辦巡緝一事最爲當務之急惟巡役更劣不齊徇駛不得其方卽恐縱私舞弊擾害平民欲求杜絕弊端全在取之有法正不必於官辦商辦曲爲區分且昔爲商疲而改議歸官今因巡擾而復讓歸商倘商辦如前竭蹶漸致岸廢票懸所關實非淺鮮復查部臣原奏內稱近來該縣除額票四千張全銷外每屆復銷餘票七百張辦理尙有起色該地方官果約束巡役不致擾害閭閻自毋庸輕議更張等語蓋深知巡役之馴擾惟視官爲轉移委員苟得其人巡勇自能守法否則擾民之弊商辦與官辦無殊奴才體察情形所有沂水縣鹽務請仍復舊章歸該縣兼辦以一事權而專責成其應設巡役飭令按照定額擇用土著之人認真約束不准格外增添亦不准稍事徇縱倘查有滋擾情事卽由運司立時詳參懲處總期官民相安運課日有起色仰副 朝廷整飭鹽綱至意從之○甲辰 上詣 大高殿報謝○正紅旗漢軍副都統尙昌懋卒賜卹如例並賞銀一千兩治喪○以夏培爲通政使司通政使○以展音布爲正紅旗漢軍都統澧深爲正紅旗漢軍副都統○乙巳 上御承光殿法國使臣李梅鯨見○丙午賞王大臣等 御書福壽字○頒賞朝鮮國王銀段冠服並編正副使臣等物件○諭正藍旗滿洲都統奕謨等

奏北新倉支放甲米不堪食用將米樣呈進請旨辦理一摺據轉該監督所呈米樣尙堪食用至由廠內領出皆係土米攪雜等語此項米色何以前後不符著倉場侍郎查明具奏○丁未命督祺恩承符珍麟書熙敬容貴果勒敏文秀點驗禁城京城倉庫軍器○李瀚章馬丕瑤奏臣等承軍機大臣字寄光緒十七年七月十七日奉 上諭有人奏州城改隸郡屬民情不順一摺等因欽此遵 旨寄信前來當經恭錄轉交廣西司道欽遵查察妥議並經臣瀚章札委廣東候補道蔣武琛會查去後茲據蔣武琛會同左江道李岷琛太平歸順道蔡希州查明由藩司張聯桂署臬司張人駿覆核會議請將上思州升爲直隸廳同知以期便民固圉具詳請奏前來臣等伏查上思州改隸太平府係光緒十二年間前督臣張之洞會同前護撫臣李秉衡籌辦沿邊舊後案內以龍州重兵所萃設道員統轄全邊西以小鎮安通判歸順州東以太平府全境並割上思州隸之以期固圉綏邊現有陳奏上思改隸太郡不便於官者一不便於民者六寄 諭垂詢臣等覆加體察所奏尙非無因若非斟酌變通無以順輿情而彌聲隙惟上思州必歸太平歸順道統轄係爲邊防緊要呼應較靈起見又未便概行更張緣該道所屬太平歸順各府州及上思州皆轄地遼闊悉與越南毗連歸順州原隸鎮安府屬因地鄰越界升爲直隸廳以期事權歸一免再由府遞轉與從前地連越界之欽州原隸廉州府升爲直隸廳同一取義當日籌邊改建具有深意今



上思州事同一律臣等與司道籌商再四改隸太平官民不便仍隸南甯邊防不宜此外別無可隸之處  
惟有仰懇 天恩將上思州升爲直隸州不隸太郡仍歸太平歸順道統轄該處至龍州道署水路可通  
皆爲坦途所有審辦命盜等案卽解赴該道審轉而原奏不便於官之弊可免矣改升之後生童應試由  
該廳自行考送學政俟學政按臨南甯府時仍附借南甯府棚局試其上思州原設文武學額各十五名  
廩增生額各十名應遵光緒十五年禮兵兩部奏准案內由南甯府學額內撥出文學額二名武學額一  
名廩增生額各三名歸入太平府學者均請撥歸該廳合原設各額爲文學額十七名武學額十六名廩增  
額各十三名以資登進而免偏枯而原奏不便於士子各弊可免矣至咸豐同治年間上思州於太平府  
崇善縣忠州江州剿賊結嫌各端歷時已久俱各相安若不隸太平毋庸致慮如此一轉移間似於固圉  
便民均爲有益惟該州既升爲直隸州吏目應改爲廳照磨兼司監獄該學教職可仍其舊各應支廉  
俸役食等項亦應照舊毋須增減如蒙 俞允並請由禮部鑄上思同知直隸州新印頒發到粵轉給行  
用以昭信守上思州本係邊俸選缺今與越南疆界切近應定爲邊要之缺五年俸滿在任候升由外揀  
補以昭慎重俟奉部議覆准再行遴員請補下部議奏○戊申電 命薛福成唁英皇長孫之喪○己酉  
升泰奏奴才此次赴邊若立市果定亞東一切應辦事宜均當從速部署以免變更曾於前片聲明稅務

一切章程均由委員稟請酌定隨時電達總理各國事務衙門請示遵辦以期迅速等情查關卡既立互市應開所有稅務章程奴才迭次陳明素未諳習立法之初諸事草創辦理不周貽誤實非淺鮮且遠駐西藏於稽查防範實有不及可否仰懇 天恩一併 飭下總理各國事務衙門核議於善後三條完結後設立靖西關監督一員或關道一員卽由該衙門揀選熟習稅務之員請 旨簡放以資熟手而專責成如以邊地非比海關局面較小可否仿照川省鎮關之例卽責成該管靖西同知一手經理先令試辦歲入稅銀悉由該同知報解四川督臣支用核銷均乞一併 飭下核議施行將來開闢互市均俟該衙門議定飭知遵辦至監督關道及稅務司衙署公所均俟 飭下核定陸續增修歸於善後工程各欸一併據實報銷得 旨該衙門議奏○升泰奏奴才此次欽奉電 旨飭令趁此前往妥商冀可定局等因仰見 聖主宵旰憂勤乃容西顧之意曷勝欽佩惟立市地方固須早定而修關建卡營署設防亦在在均關緊要風聞卓木及仁進岡一帶居民向在西金游牧貿易英人以利要結久有趨向外人之意自光緒十四年藏印搆兵徵誦不時供億繁苛民怨其上商上罔知體恤善後若不重加賞需人心瓦解藩籬斷難自固奴才此次甫接保爾將來亞東之信卽已大張示諭將江孜下至仁進岡一帶夫馬柴草烏拉差事一概裁減遇有要差均令自行僱腳腳價站里核定章程轉飭遵辦蓋深有見於此也關卡衙署營

房例應由承辦之員估工繪圖貼說稟請派員勘驗據實造冊咨部核准始行興工事後照章報部核銷奴才自上年由嶺回藏道出仁進岡當即親往履勘修闢建卡之處期於有險可守藉固吾圉旋藏後以邊務重大英人狡展藏番反覆不敢拘定例意恐滋貽誤當即商之第穆欵目借墊番商工作悉倚番民於今春先後飭令肅都司占先何遊擊長榮督率番員監工興繕查卓木仁進岡一帶居民稀少不諳工作所用工匠半皆調自後藏及江孜一帶或五六站或七八站不等川資工價費用較繁且該處依險設關衙署營房鱗比而立山石礧礧荆棘縱橫地老山荒人蹤罕到四者填之凸者平之迭據該員稟稱有數日不能闢一地基者其地修造艱難已可概見所幸調集工匠多人不至時形掣肘刻據商上及委員稟稱雪大停工明春調集匠役克期集事工程已完十分五六所用木石工價各項將及三萬餘金悉皆墊自番商到期不還議有罰欵黃金若干兩核計奴才此次赴邊應用賞需及江孜下至仁進岡夫馬均需自行僱腳隨帶文武員弁兵丁書識通事譯字應用薪水加餉銀兩查照前次章程住日均不停支及上年留駐仁進岡行營漢番官兵邊務委員來往賞需薪水并營後了結應行重給江孜下至仁進岡一帶番民賞需銀兩需欵又復甚鉅藏庫無欵可籌悉由番商借墊勢難持久刻下又將赴邊關卡衙署營房尤宜及早修完以免英人狡展藏番反覆實為第一要義目下羅掘久空事機難緩再四思維惟有仰

懇 天恩俯念營後需款孔亟請 飭下總理各國事務衙門仍照前案在於海關出使經費項下動撥銀六七萬兩由匯豐銀號電兌赫政轉交奴才備用以應急需抑奴才更有請者此次工程及一切用度均以邊務重大事創始從權懇乞 飭下戶工二部所有此次工程事屬創辦萬難與成案相符將來并各款報銷均逐款實用實銷無庸拘以文法免誤事機出自 鴻慈迴格至所請款目能否敷用或尙有贏餘統由營後完竣由奴才據實逐款造冊報部請銷以昭核實得 旨該衙門議奏○庚戌下寶第請陛見允之○福潤奏光緒八年前撫臣任道鎔奏准在於撫標並交曹鎮標各營抽調步兵一千二百人分作三營分別酌加津貼認真訓練所需餉銀卽在裁兵節餉項下核實動支一切營制餉數亦迭經奏咨先後經部覆准上年七月前撫臣張曜先在撫標左右二營及漕標各營挑選步兵四百名合爲一營名曰山東步隊練軍中營區曹州鎮總兵王連三統帶訓練當經附片奏報聲明下餘兩營俟有成效再行陸續添練各在案奴才抵任後察看上年所練步兵一營業已日漸精強自應及時續練以符奏案茲又在兗曹鎮標各挑選精壯步隊二百名共計四百名合作一營名曰山東步隊練軍左營按照原定營制配齊軍裝委花翎儘先副將劉玉堂作爲營官仍歸曹州鎮總兵王連三統帶於本年十月二十四日成軍亦駐曹州與前練一營一體認真抽練期成勁旅下餘一營仍俟隨時體察情形再行抽練除飭

取官兵薪糧銀數清冊另行送部並照章仍按半年一次奏報核銷外所有續行抽練綠營步隊成軍日期理合附片具陳下部知之○辛亥以潘萬才爲江南淮揚鎮總兵○諭上年朕二旬慶辰業經以數闕澤盛將京外大員老親年逾八十者優加賞賚茲據吏部兵部續查前江西布政使李嘉樂等老親均年逾八旬祿養承歡允宜一體施恩以昭盛典前江西布政使李嘉樂之母賀氏福建漳州鎮總兵侯名貴之母曹氏廣西右江鎮總兵張春發之父張一詩著各賞給御書匾額一面紫懷三鎮玉如意一柄小卷江縐袍褂料一件小卷八絲緞袍褂料一件用示錫類推恩至意○升泰奏奴才前將赫政遞來保劄摺函內稱立市可定亞東但須親往察看各緣由附片具奏在案十月二十二日准赫政函遞譯出總理各國事務衙門電音印度蘭大臣擬派保政使赴亞東察看通商處所赫政同往希貴大臣前往會商酌定先將起程日期電覆保政使到亞東並望加意優待等因承准此遵卽傳飭商上預備夫馬尅期起程乃商上其切懷疑堅詢前往何事意在留難觀望奴才正派員開導問復於是月二十六日准赫政函遞譯出總理各國事務衙門電 旨來電已進呈保使赴亞東貴大臣宜趁此親往妥商冀可定局此事非委員可了十四日已發電茲再遵 旨電達等因欽此當卽欽遵譯行商上去後奴才復往謁第穆呼圖克圖竭誠開道宣布 朝廷德意無非又安邊圉保衛番民決不至有他慮旋據面稟以今年牛瘟盛行調

辦夫馬急切亦必需月底方可集事觀其意甚欣悅實非有心諉謝本藏亦有應行料理公事奴才一面部署大約月底月初必可起程駐邊委員黃紹勳張昉飭令仍遵前札伴送保爾赫政前來商上亦仍飭駐邊番員邊覺奪古折回會同委員照料英使至夫馬柴草及食物供應一切奴才早經分札駐邊駐營各員弁飭商上轉飭該處沿途營官番目分別採辦預備務令極其盡禮以重邦交奴才一俟夫馬齊備起程定有日期再行奏聞得旨該衙門知道○癸丑上御紫光閣閱書撰營官兵賁駿賜蒙古王公等宴○甲寅以那彥圖載漪為總管大臣○乙卯道光裕恭詣昭西陵致祭○定安裕祿奏奉天援剿各軍前在開太廟鄂爾土板寶各圖于溝子二十家子等處連次大獲勝仗大股賊匪俱經殲滅分布各軍扼要駐紮嚴搜餘匪各情形業經奴才等於十二月初二日恭摺奏報在案嗣據盟陞阿左寶貴先後據報分聚朝陽諸路各軍連日搜捕餘匪經盟陞阿左寶貴張永清蒞桂林陳楠森金得鳳等督率弁兵陸續緝捕逃匪二百三十一名內如僞九門提督瑞珩僞兵馬大元帥馮今祥傳教頭目楊汰平楊汰官馮今碌刁明即刁洛道刁照即刁希誠王茂張奎元尙甸甲馮普里馮全碌齊順尙甸增姜俊李好然即李三機匠郭甸棟郝泳才徐茂亭薛殿四班得廣徐廣五高幅升郝派幅王美高謙刁振綱等均係著名匪首其餘夥匪亦供係屢次燒殺蒙古拒敵官軍之犯均各認明即行正法梟示其被直隸官軍搜獲

者亦復不少餘匪漏網無幾地方俱已肅清一切善後事宜應由直隸總督熱河都統委員妥辦所有奉  
省派往援剿各軍自應撤調回省惟直隸提督葉志超與左寶貴面商以邊外山崇嶺峻溝洫分歧地方  
甫經平定仍須留兵駐守俾資彈壓搜捕該由叅罕貝子府巡北朝陽之東北葉莫套海敖金下窪子寶  
各圖黑城子一帶統歸奉軍酌留馬步各隊擇要分紮其由叅罕貝子府及朝陽之西南暨平泉赤峯等  
處由直隸官軍留隊分紮統俟春融農夫興作之時地方靜謐察度情形再行撤除由左寶貴稟經奴才  
等批飭卽於派出援剿朝陽奉軍內暫行酌留馬步三營交總兵譚桂林帶領在於朝陽地界扼要分紮  
以資巡緝明春察看情形再行撤調回省其奉省之清和白土廠彰武等各邊門以及近邊之新立屯哈  
拉套力改適中地方帶領各隊彈壓本省邊界兼爲邊外聲援仍令左寶貴隨時聯絡督率往來稽查其  
餘馬步各隊卽令豐陞阿左寶貴分飭各將領管帶回省各回原駐處所以重操防現在邊外肅清全功  
告竣此次奉省派出各軍出境援剿馳驅於冰天雪地之中無不奮勇爭先所向克捷生擒匪首多名股  
匪殄除俱盡實屬異常出力盛宇營總統 乾清門侍衛護軍統領副都統豐陞阿奉軍統領記名提督  
廣東高州鎮總兵左寶貴任事忠誠謀勇素裕身親行陣督率有方可否仰懇 天恩均 賞給黃馬褂  
豐陞阿並請 賞給勇號左寶貴並請 賞給頭品頂戴以示優獎之處伏候 聖裁其餘在事出力員

升容奴才等詳細查明彙開清單續行具奏請懲 恩施以示鼓勵又奏奴才裕祿接據敖罕郡王達木林迪爾達克咨稱該旗界居朝陽遼寧平泉等州縣本年十月間教匪四起蒙古老幼被害無數並將貝子府及扎薩克等衙門家宅一概焚燬雖經東翁牛特扎薩克副盟長達木楚克蘇爾隆及該郡王達木林迪爾達克帶領蒙古各旗兵丁接仗數次殺斃逆匪百餘名奈賊勢愈加兵力不敵幸經直隸奉天官軍馳抵該處將賊匪剿滅查該郡王達木林迪爾達克先塋墳墓均被逆賊掘毀死生俱遭殘害現在蒙古民人回旗者毫無生活之產困苦難名請將該旗蒙古台吉壯丁被難情形代爲具奏 恩施賑恤以資拯濟又據奈曼郡王瑪什巴圖爾咨稱朝陽教匪於十月初十日起毀燒燬敖罕貝子府十五日竄入奈曼旗界約有四五十名先行佔踞扎薩克衙門所有廟宇房產財物檔案均被燒燬並將旗倉儲存倉糧軍械搶掠一空幸蒙奉直官軍剿除逆匪現在該旗被難台吉壯丁等十室九空該郡王無力救濟懇請代奏 恩施賑恤又稱該郡王於本年五月遇丁母憂八月間又患寒疾曾經報明理藩院請假今復遭此患難無力赴京並懇據情代爲奏明懇 恩施假安撫地方各等情咨請代爲轉奏前來奴才伏查此次熱河教匪滋事擾亂蒙古各王旗甚至嗣及王墓被害最爲慘烈現據總兵薩桂林稟報已於十二月初六日在敖包興隆窪地方將挖掘敖罕郡王祖塋墳墓開棺焚屍之逆犯楊冰涼楊真山張米三



名拿獲並起獲殉葬之明珠金鐲時辰表銀酒杯翠鉗等物當經訊明正法將首級解赴該王墳葬各地  
方懸竿示眾並將起獲之物送交該郡王認領掘墓逆犯未經漏網亦可稍紓幽憤其所帶兵費以後該  
數旗被難蒙古台吉壯丁等生計困苦均屬實在情形現在籌辦善後事宜自應一體撫綏應請 勅下  
直隸總督熱河都統飭屬妥為查明賑恤以甦彫劫至奈曼郡王瑪什巴圖爾所請奏懇賞假之處可否  
恩准給假暫免進京俾資安撫地方出自 鴻慈 上諭定安裕祿奏派赴朝陽各軍援剿事竣分別  
留防撤回並請將尤為出力員弁獎敘一摺此次奉天派出援剿熱河各軍疊次攻克賊巢擒獲逆裔  
又搜獲逃匪多名一併訊明正法為示餘匪殄除殆盡地方一律肅清在事出力員弁奮勇可嘉自應量  
予獎敘以示鼓勵另片奏敘罕郡王奈曼郡王各旗被賊蹂躪情形困苦懇恩撫卹等語著李鴻章查核  
飭屬籌款妥為賑撫餘著照所議辦理該衙門知道○丙辰以明年正月初五日大學士直隸總督李鴻  
章七十生辰先期頒賞御書聯額福壽字無量壽佛如意袍褂等件欽奉 慈禧端佑康頤昭豫莊誠壽  
恭欽獻皇太后懿旨頒賞御書聯額福壽字益壽字御筆蟠桃圖無量壽佛貂褂如意袍褂等件○丁巳  
奎斌奏奴才接管卷內欽奉 寄諭理藩院奏據昭烏達副盟長呈報該盟被擾盟長暨印信均無下落  
一摺著該都統迅即派員確查據實覆奏等因欽此遵即分札各屬並委員馳往該旗確切詳查一俟查

報到日再行覆奏又奉十一月二十五日 寄諭理藩院奏蒙衆被擾懇恩賑濟一摺喀拉沁旗突被匪徒竄擾蒙民顛沛流離殊堪軫念著戶部撥銀三萬兩解往熱河交奎斌遴派委員會同該郡王旺都特那木濟特妥爲撫恤等因欽此當經札飭熱河迅速籌辦此項賑濟銀兩昨據順天府委員如數解到擬卽遴派委員採買米石解往該旗會同散放並嚴密稽查務期實惠均霑得 旨該衙門知道○李鴻章奏准熱河都統臣奎斌咨稱口外各屬現報肅清平泉建昌朝陽赤峯四州縣被賊蹂躪幾無完土難民逃匿山溝饑寒交迫間有結黨剽掠苟延目前者實與倡亂匪徒絕不關涉而宜妥籌撫恤等因臣前據提臣葉志超迭次函咨亦稱被賊州縣難民困苦情形深堪憫惻查該地方經賊匪竄擾之後焚掠一空值此歲暮嚴寒失業貧民流離凍餒若不亟籌撫恤則弱者無以全生強者流而爲匪殊非遏絕亂源綏輯邊氓之計現蒙古被難各部已山理藩院奏奉 特恩賞撥部帑三萬兩以資賑撫所有平建朝赤四屬被難窮民自應及時設法撫恤若待奏請指撥籌解需時誠恐緩不濟急熱河係臣兼轄地方未敢稍分畛域當飭籌賑局於賑餘項下趕緊撥銀三萬兩棉衣一萬套遴派廉明耐勞熟悉籌賑之候補州縣四員齎解前往聽候都統臣酌派印委會同分投查明極貧戶口認真散放俾垂斃之民早得拯濟以仰體 朝廷軫念災黎之至意如各屬難民過多款項尙有不足再由奎斌體察情形隨時奏撥報聞○

奉城察熱河所屬平泉等四州縣暨蒙古各旗前因教匪倡亂地方蹂躪前後調集馬步官兵防剿各路兩月於茲地方幸就平靖茲准提臣葉志超來咨現在各處賊匪剿殄淨盡地方肅清惟資從民衆雖經曉諭開導許其改過自新各安生業仍恐梗頑難化死灰復燃當於平建朝三州縣及敖罕貝子府等處各留練軍駐紮其赤峯縣由熱河派兵前往駐紮等情咨會前來奴才當卽飭派佐領富齡管帶馬隊一百名步隊一百名馳往赤峯會同該縣李鴻猷督飭鄉團認真搜捕並據喀拉沁王呈報現在軍務雖清仍恐有伏莽潛藏乘機煽惑請留兵協助等情奴才當將前次派赴該旗剿捕之密雲馬隊一百名熱河駐防步隊一百名飭令密雲原派之協領玉和熱河防禦常和分別管帶駐紮該旗督兵防守並嚴飭該協領等如查明果有匪徒蹤跡卽行稟請添兵助剿至老虎溝偏橋子二處前派保護教堂官兵一百六十名現擬酌留一半分駐保守又前由熱河駐防練軍內挑選一百五十名派令佐領全齡管帶隨同提臣葉志超前往剿捕此項練軍曾抽調五十名駐紮喀拉沁王旗現調赴赤峯其餘馬隊官兵一百名現准提臣葉志超咨會仍令佐領全齡管帶駐守敖罕貝子旗此外派出隨同提臣葉志超軍營打仗及各路防剿之兵現在既報肅清自應一律撤回歸伍前由密雲調來馬步官兵三百名除派赴喀拉沁旗馬隊一百名仍留該旗駐紮其熱河駐紮密雲步隊二百名又密雲派赴古北口防守官兵十員馬步兵丁

一百十二名白馬關大水峪郝莊董谷莊等處共派駐防官十一員馬步兵丁一百八十六名應一律撤回密雲歸伍以節餉需報聞○戊午李鴻章奎斌奏上等伏讀光緒十七年十二月十二日 上諭此次匪徒滋事焚燬教堂仇殺蒙古蓄意已非一日該地方文武失事毫無覺察臨事復疏於防守以致變起倉猝貽害民生實堪痛恨著李鴻章奎斌查明失事各員據實嚴參等因欽此伏查熱河近年蒙漢民教積怨已久該地方官因循玩愒漫不經心致報失事各情節知萌熒實非一朝仰見 聖明燭照靡遺跪誦之餘莫名欽感該州縣等律以官守之責均屬法無可寬朝陽滋事最先平泉建昌被賊較重蒙古受禍尤酷並有焚殺教堂教民之案為中外指摘之叢 奎斌履任之初即訪聞該州文卜年該縣廖倫明章奏凱聲名均屬平常因將該三員撤任聽候查辦 鴻章前奉十月二十五日 寄諭德福奏十七日匪徒竄入州街焚燒教堂各等語既稱匪眾約有數千何以監獄衙署民居鋪戶全無擾害既稱兵謀匪眾未敢窮追何以數千之賊不戰自散情節種種支離顯有飾詞規避情事著確切查明據實覆奏等因欽此 鴻章先接據該州稟稱即以情節支離逐層斥駁並批行該管道府嚴加查察續奉 寄諭交 鴻章與德福查明覆奏當即恭錄轉行欽遵查照德福旋即奉 旨開缺 奎斌到任後據該道府委員查明稟稱此股教匪與天主教民素有嫌隙十月十六七等日焚燬建昌三十家子教堂後糾集乘夜

前來潛從北面闖入州衙勾結本處匪徒十八日黎明約有二百餘人奔赴教堂縱火共燒教堂大小六十八間教民避去未經過害烏合之衆愈聚愈多難以數計並將致中和京貨店利益增糧食店搶擄一空其時監獄衙署有吏目張其昌率同捕盜徹夜嚴防該匪亦以大股未到器械不齊未敢動手十八九二十等日分竄四鄉潞河沿驛門子等處燒殺教民多寡不等二十日聞大兵將至遂於二十一日五鼓間向三十家子一帶竄去當夜事起倉猝火光之下未辨賊衆多少該州遽以約有數千具報張大其詞已屬意存捏飾稟報復稱前往驗看火跡見地窖內有幼孩屍身無數均係無眼珠無心等語臣鴻章當以日前南省教堂滋事皆由匪人造作此等謠言又細查皆無證據批令該道府等派員詳細檢查茲據覆稱止抄出孩屍三具日久潰爛並非挖去心眼與該州原稟剝殊乃德福巡飾以 上聞該州並據以出示搖惑人心實由於該州輕信謠言緣飾捏報臣等查該縣文卜年在熱河服官多年年逾六十著名巧滑難無實在劣跡而遇事善於應付工於支飾教堂近在縣街不能實力保護厥咎難辭又臣鴻章前奉十一月初九日 寄諭朝陽於十月十三日失事該縣廖倫明並無稟報直至二十九日始行具稟收復所稱接仗受傷各節殊難憑信難保非當時逃匿事後捏詞避罪著李鴻章確切查明如有潛逃捏稟情事即著嚴參治罪等因欽此伏查朝陽失事之初臣鴻章迭據錦州等處電稟俱稱知縣不知下落二

十一日率軍馳赴朝陽該縣廖倫明已先回至縣衙是該縣並未遠逃且旋即收復尙屬可信朝陽並無城池固不得以失守論賊匪並未久踞縣衙亦不得以收復論至前後稟報稽遲實由朝陽失事以後賊匪四面並起朝陽距承德六百餘里中間平泉建昌一帶並是股匪麇聚之區當時各路乞援送信弁兵多被截殺是以德福馳奏失事情形僅據平建各文武轉報而收復之稟直至二十九日始報前因道路梗塞文報不通稟內所稱賊到時拒戰受傷難保其非捏報而隨同打仗之巡檢李耕心所受微傷屬實是該員等曾經與賊接仗尙非虛構之詞查吏部議擬朝陽失事兼轄統轄官處分一摺係比照定例野賊苗蠻擾害地方焚劫鄉村殺傷兵民者兼轄官降二級調用統轄官降二級留任督撫降一級留任例定擬該縣係專管官罪止革職且甫經到任兵單力竭收復又在一月之內於例均得減議惟查該員廖倫明平日在官賦詩飲酒不理民事歷任口外各屬雖無貪酷劣跡而常向富民借貸債累甚多其由奉調任朝陽至爲商民巡留經後任出爲調停作保始得赴任實屬卑鄙不堪有玷官箴至建昌縣知縣章奏凱於所屬三十家子等處教堂被燬教民被殺防護不及查該處起釁之由實由本年四月間有天主教民向各鋪借糧該莊社首林玉山徐榮偕往理論口角徐榮登時被教堂鎗斃林玉山逃脫其時教堂知林玉山先入在理黨羽衆多恐糾衆報復於七月間在堂鑄礮設備該縣章奏凱聞信曾往看視當

時並未預籌辦法以致釀成焚殺巨禍事後復報起於遷安縣屬之陽道河並不將三十家子焚殺情形據實稟報意存諉卸實屬庸懦無能居心巧詐以上三員疊據該道府及查辦委員等先後稟覆既有實跡可憑未便稍事姑容自應先行參辦等往返函商酌加擬議其朝陽縣知縣廖倫明應請革職永不敘用建昌縣知縣章奏凱應請革職試署平泉州知州文卜年應請勒令休致以示懲儆此外失事文武各員俟詳細查明再行分別奏參 上諭李鴻章奏查辦遼東剿匪等處失事各州縣據實參劾一摺此次熱河匪徒倡亂朝陽平泉建昌被賊較重蒙古受禍尤酷並有焚殺教堂教民之案該州縣等平日因循玩愒漫不經心以致各匪乘機煽惑釀成巨變律以官守之責均屬法無可貸茲據查明朝陽縣知縣廖倫明雖無開營先逃情事惟平日在官賦詩飲酒不理民事並屢向富民借貸債款甚多由赤峯調任朝陽至為商民逗留實屬貪鄙不職有玷官箴建昌縣知縣章奏凱於匪徒起釁之初毫無防範事後又不將三十家子焚殺情形據實稟報意存諉卸居心巧詐署平泉州知州文卜年著名巧滑遇事工於文飾教堂近在縣街不能實心保護其報賊眾數目又復張大其詞於焚毀教堂情形輕信訛言捏報出示搖惑人心該三員貪詐庸劣貽害地方深堪痛恨該督等請將廖倫明革職永不敘用章奏凱文卜年分別革職勒休之處尙覺輕縱廖倫明章奏凱文卜年均著革職發往軍臺効力贖罪以示懲儆餘著照

所議辦理該部知道○己未齡祭 太廟 上親詣行禮○遣凱奏等分詣 東西各陵致祭○予辦賑出力運米平糶之直隸候補道朱其詔黃建筦交部帶領引見○庚申命載澂恭慰 聖容奕謨恭收聖容溥倫恭代行禮○是年統計出口貨直銀一萬零九十四萬七千八百九十四兩進口貨直銀一萬三千四百萬三千八百六十三兩相抵虧三千三百五萬六千十四兩凡徵貨稅銀二千三百五十一萬八千二十一兩

光緒十八年壬辰春正月辛酉朔丑刻 上詣 奉先殿行禮寅刻詣 堂子行禮辰刻詣 慈寧宮行禮御中和殿受禮太和殿受賀已刻詣 大高殿 壽皇殿行禮○寢近支王公於乾清宮○壬戌 上御坤寧宮賞御前行走近支軍機大臣等侍餞○上幸南海詣 慈福端佑康頤昭豫莊誠壽恭欽獻崇熙太后前請安○還宮○癸亥 上詣 壽皇殿行禮○遣麟嘉恭詣 裕陵致祭○雪○諭上年順天直隸各屬秋禾被災業經分別蠲緩糧租小民諒可不至失所惟念今春青黃不接之時民力未免拮据加恩著將文安大城涿州開州長垣等五州縣成災五六七八九分村莊應納本年春賦地丁錢糧各項旗租著緩至本年秋後徵收其歉收三四分村莊並獻縣連年被災之張枝根等二十五村應納本年春賦地丁錢糧各項旗租著緩至本年麥後徵收又勘不成災之武清寶坻寧河樂亭青縣靜海滄州南皮鹽



山慶雲永平東明定州曲陽十四州縣徵收三四分村莊應納本年春賦照常徵收其原緩至本年麥後  
啟徵之徵收四分村莊應納光緒十七年並節年地丁錢糧各項旗租同徵收三分村莊應納節年地丁  
錢糧各項旗租均著緩至本年秋後啟徵凡有應徵屯米穀豆草束隨課學租通津二幫屯租旗產錢糧  
海防經費河道錢糧儲備軍餉廣恩庫租永濟庫租兵部馬館租鑾儀衛租代徵租暨出借倉穀籽租口  
糧牛具等項隨同正項糧租分別緩徵津防廳蠶魚課應納地租內有坐落武清縣者歸入該縣災歉村  
莊辦理以恤民艱○甲子宴饗古王貝勒等於紫光閣○乙丑予故懋功協副將倪天元照軍營立功後  
積勞病故例議卹○丙寅 上幸南海詣 慈福端佑康頤昭豫莊誠壽恭欽獻崇熙皇太后前請安○摺  
○鹿傳霖奏陝西大荔縣捐職郎中李安吉家素殷實安吉故後其妻李劉氏之兄江蘇監生劉開泰託  
名照料潛肆侵漁前後十年訛去李氏銀錢爲數甚鉅屢與李氏族人辯訟經前同州府知府文啟斷令  
驅逐回籍不准往來劉開泰後迭次砌詞牽控經 臣批由大荔縣訊明斥革衣頂遞籍管束在案詎劉開  
泰潛至省城句串 臣衙門收發文件之堂房散書趙秉乾捏造票批酌取連年騎封印牘黏貼於後徑發  
潼商道飭提覆審旋由劉開泰赴道投遞悔呈情願自行回籍懇免革遞等情本年五月二十日由道詳  
覆前來適 臣甫由商州閱伍回署案牘山積該散書乘機將該道繳回偽批雜置其中臣一時疏忽未能

看出劉開泰遂得免究先後付給該散書銀三百兩九月初六日劉開泰因病身死趙秉乾猶時往其家致與劉開泰之妻劉吳氏口角爭鬧臣風聞其事立提刑秉乾發交長安縣嚴審供認捏批削印不諱惟詞連署中幕友張樹炎查張樹炎身居撫縣文件皆經其手唯秉乾不供他人而獨指樹炎事有可疑虛實亟應澈究隨令出署候質此案雖係錢債細故而以在官之人婪贓欺法竊屬貪奸膽妄已將趙秉乾交兩司會鞠務期水落石出以懲徇竊臣未能先事覺察理合自行檢舉請 旨交部議處遼瀋道文光接到黏印偽批亦失於覺察應請一併交部察議得 旨如所請行○丁卯道光裕恭詣 孝陵致祭○予故兵部尚書彭玉麟於衡州長沙府建祠列入祀典○戊辰命巴克坦布爲左翼監督立山爲右翼監督○許振祿奏黃河歲修之費本國家一大漏卮從來有日增無日減既今歲稍減來歲必復加增以爲險工無定 朝廷以其關係民生而不惜帑項部臣以其尙合例案而不事苛求故積弊日深馴至耗費益繁辦工日絀此臣所以亟議改章也原散於道驢營汛者今則臣獨任之若有疏虞臣無所逃罪然而不敢避也臣不謹知治體請以家事例之如人家有大興作主計畫者自必以省費爲先以闕成爲要又凡能省費者必易圖成何也將爲一定之工必籌一定之費先事詳思臨事竭力其所省者耗費非正費也耗費一省工用歸實故易圖成夫黃河天險臣豈不知責備至重臣豈不畏而必限定額款力求保

固者誠亦審度河勢稽核工程以爲如此則辦工不至竭蹶可以從先事而爲補苴遇險有所取資不敢作危詞以瀆 聖聽以臣默計所定六十萬之款其實每歲所必不可省者四十八萬耳至提歸河防局之十二萬今年霜清時實餘出六萬兩臣盡以買石加拋至於來年必更得力十二萬兩涓滴到工即臣前奏所謂新增之補益也向年用款亦有此數未聞於歲修之外復有片石寸土到工則今此十二萬兩堆積料石衆目共睹遇險不至張皇辦公有所取給名非節省而實則由節省而出也大約如此補益五六年後每年復可節省五六萬兩不等但須悉如今者辦事積久自可有餘又河工每當大汛不能無險險亦不定生於何處然未有先事而不見萌者臣既以核實工作責之屬員營汛復於河干另設一監工局終年駐得力委員於其中巡視兩岸逐處勘估以數萬金爲先時之籌備復留數萬金爲臨險之搶救似乎有險亦無他虞然竊仰恃 聖主洪福百靈効順臣除殫竭庸愚亦別無良策矣又河工往年報銷院道庫儲任之凡冊籍由屬呈道由道呈院山院奏咨部臣不其議駁以其悉合則例庫儲之所以挾制上官者在此其所以作弊取利者亦在此究竟所報悉是虛假但求合例不計核實每年報銷開支用款二萬數千兩臣去歲改章亦經官吏力以公用爲言提存二萬兩所以暫爲提存者實欲省出此二萬兩再歸入防河工用耳夫臣既不用庫儲一切改易舊轍事事核實則與往年大不相侔即按之工部舊例

誠恐亦稍不合仰蒙 皇上天恩憐 臣之拙信 臣之愚直敢據實報銷不為劣員劣幕挾制而於公家用款實多盈出二萬兩是河防局明定十二萬兩今則添為十四萬兩以之撥補險工豈非大益此等有裨實用想部臣素識大體維持國計亦必不以臣言為謬抑 臣更有請者向來河督不任修防瑣務故報銷由屬詳道由道加印今則各處工作皆由 臣主持緣是過險先搶往往先辦工而後行文此後報銷擬請專歸 臣衙門用印辦理不由道縣轉折既可省費亦易核實惟向例霜清以後全工就閒今則河防局正在委員四出購石實土監工局正在監理各屬鑲補添堵工作正忙用款未定若如往年循例報銷反貽懸空欺飾之咎必俟年終工役完固石料用定先查細賬次驗工程再為核實報銷年內時日無幾萬起不及歷經奏展有案合無仰懇 天恩俯如所請展限至來年四月間再為辦理以紓周妥並請此後無論何項送部冊結圖幅就用 臣關防印信以省糾纏而歸核實允之○己巳以湯彥和為陝西河州鎮總兵○庚午時亨 太廟 上親詣行禮○皇后千秋節停止筵宴○邵友濂奏查臺北大料嶽三角瀆雙溪口一帶地方逼近番社光緒十七年三四月以來屢有兇番殺害民人自一二命至十餘命不等疊據各撫稟委員稟經前護撫 臣沈應奎嚴飭統帶隘勇各營總兵陳羅督飭駐防弁勇拿獲番犯邁灰西學帶木烏芸哇繁老涯野微嶧隆等四名訊明分別懲辦馬連社番拒捕傷斃勇丁八名將該社立時焚燬

嗣因查辦番案日久無功當由沈應奎將陳羅及隘勇前左兩營管帶各員先後撤換九月間三角湧等處殺人之案愈出愈多兇番嘯聚成羣膽敢於叻畔及古擺鶴等處地方圍攻碉堡肆行焚殺分防隘勇地廣兵單迭有傷亡不敷堵禦沈應奎飭調定海正副二營六成勇丁暨就地陸續添募土勇千餘名並經商准日林維源親赴大嶺嶺飭督剿辦當於竹頭角叻畔等處化番前來歸命梗化之社查看無幾該印會軍兇剿詎兇番糾結後山內加難各社圍撲隘勇前營隔絕所紮碉堡糧運水道一息不通軍火施放殆盡該營管帶游擊林福喜聞道馳告急接統隘勇各營已革游擊鄭榮梓帶土勇冒險馳救伏番徧地動輒傷亡僱募化番前驅自十月二十四十一月初六日將該處九個次第援應一面飭派通事諭散勾結各軍市邊前議會揭合脂坪兇番節節抗拒勇丁奮擊互有死傷鄭榮山竹頭角進紮叻畔土勇隊長六品軍功林李川於夾板山接仗陣亡撫臺委員直隸州知州陳長慶會同定海正副營由後策應鎗傷腰脇仍復揮軍進擊番眾潰散土勇管帶軍功陳福勝守備林建相等分由大嶺大嶺前進各燬兇番之社已據瞻眼等社哀求撫撫但未一律赦平臣自到任後屢次會晤日林維源詳加查度內山咸菜鹽五指山一帶社番均甚平靖其加難各社並已悔罪乞降惟淺山水流東各社橫梗於中若非亟予懲剿難保不煽惑化番滋蔓難圖隘勇各營分界防守值此兇番猖獗正需彈壓所藉剿番之勇僅止定海

正副營大哨及新募土勇兵力尙嫌單薄現經臣飭調道員林朝棟督率所部標字各營剋日馳赴會剿以期及早安定不至有礙撫務報聞○辛未祈穀於上帝○上幸南海詣慈福端佑康頤昭豫莊誠壽恭欽獻皇太后前請安○還宮○遣奎瑛恭詣恭陵致祭○予故海防水路記名提督宋先聘等二十九員故北海軍守備陳兆葵等三員優卹○癸酉上幸南海詣慈福端佑康頤昭豫莊誠壽恭欽獻皇太后前請安○還宮○甲戌上詣泰先殿壽皇殿行禮○道奕謨恭詣恭陵致祭○予杭州乍浦滿營前陣亡殉難官兵婦孺建祠列入祀典○松榕奏襄河屬屬順水壩從前常年敢放漕鹽及行商船行駛甚便光緒十三年鄭工失事議開新河禦湖水闌入運口遂將該壩堵閉專爲一時防黃之計致幸黃水並未趨下而往來舟楫繞道新河行走以致清和縣馬頭鎮一帶商民生計爲之頓蹙近年重漕鹽運及各商繞道新河每以行徐曲折久延時日疊據地方士民商賈及押運委員先後再三稟請照舊開通規復舊制奴才留心察訪衆論竽同復於查閱工程之便順道往勘實於各船及商民生計均形窒礙勢非復開不足以示體恤現在鄭工早經竣事並無黃水下注惟查原開門戶甚寬挑浚亦深全行拆啟需款甚多而轉瞬新漕起運又難從緩辦理再三酌覈惟有先行酌開金門量挑上下淤淺使通舟楫藉水衝刷再將吳城七堡攔河築壩以遏其引回之路趁此水勢消落趕爲籌辦庶可收事半功倍

之效而該集鎮商民亦得復其舊業裨益甚大費用較省理合附片陳明下部知之○乙亥長順富爾丹奏奴才等前因長春教匪謀逆先期破獲並吉林府屬煙筒山等處大股賊匪搶擾派兵剿捕並將各情專摺奏報在案嗣據長春府知府同勳稟稱該府回任後卽提夥匪侯得山等研訊供詞閃爍不吐實情當以傳教匪首在逃密派幹役緝緝於本年十一月二十八日在吉林府界朱家大屯客店內拿獲逆僧蘇安祥一名訊明實係教首與前獲正法之謝添明等供詞脗合並稱道匪匡姓等已在奉天八面城地方練有數百人候伊約齊多人再行起事等語當飭就地正法以安衆心又據全營翼長富興等呈稱煙筒山一帶賊匪已由該處附近駐紮練隊協同民團實力攻剿殆盡前月十八日夜當賊匪初出山時不過數十人正值該處隊官愛希朗阿帶隊赴太陽嶺一帶巡緝留營隊兵無多寡不敵衆以致煙筒山街舖戶被焚二十餘家居民星散愛希朗阿聞信折回並邀集黑瞎子崗鄉團趙貴解啟之等幫同攻剿致斃賊十餘名並獲礮車一輛賊復南走裹脅漸衆維時雙陽河莊襄波勒河套繼起教匪百餘名與煙筒山賊合股退入小城子地方教匪孫剛家盤踞旋立木城竄以泥土將爲持久之計愛希朗阿率同兵團攻打一夜未下次日經雙河鎮駐紮參領格林帶領隊兵並邀各處鄉團追抵該處與愛希朗阿合隊圍攻仍先撥兵扼其入山之路然後進擊賊以小黃旗施展邪術我軍鎗多炸壞賊由內闖出鎗子如雨

鄉團頭目項廷好之子文學練目張啟恩陣亡兵團受傷數十人均無退志復以穢物裝入擲鎗連擊賊始整亂紛紛逃竄我軍追殺數十里共斃賊三十餘名生擒十餘名受傷逃脫者數十名奪獲大車三輛騾馬二十四匹杏黃旗一桿鎗械邪書無數又搜獲削去髮辮者五六十名均係沿途被脅鄉民多有大戶的保就近釋放查詢鄉民知賊中手執黃旗者卽僞軍師孫剛已於敗逃時自刎身死此十八至二十二連日痛剿賊匪之情形也又據靖邊親軍王寬呈報二十六日抵至煙筒山時賊已削平人心尙屬惶恐因卽徧搜餘匪遂獲跡近教匪之莊嚴嶺等弟兄二名並於其家搜出孫剛家谷老小六口餘賊十餘家均已全數逮獲細查二百餘人內除去裏脅逸去者不過數十人各等情先後稟報前來並據署廣盛山州同寶印芳陸續拿獲教匪張連舉章學詩等二名報明到省奴才等當飭各軍撥隊進山搜剿匪務期盡絕根株不使復生萌孽一面將獲匪趙永汎李得李殿汝莊嚴五孫方鎮王守田張遇恆王材張愚吳金榮梁葆均陳廣碌高湛王得勝宮中增等十五犯提省飭交發審局訊明該匪等與孫剛素習邪教早蓄異謀自十一月初有朝陽教匪馬連啟潛至該處勾串孫剛並該匪等起事以爲朝陽接應孫剛稱爲軍師趙永汎名爲謀主其所備鎗斃刀矛馬匹均係平日預備及掠取各鋪家防夜之物日前與官兵接仗時用紙人紙馬以助聲勢嗣因邪術不靈致被擒獲供詞歷歷如繪當經批飭將該匪等立行正



法其餘已獲未辦各匪應俟解到時再行訊辦奴才等查此次教匪滋事其人數連各處併計已不下千餘人之多幾蹈明陽覆轍仰賴 聖主威福或消患於將萌或遏亂於方發實堪深幸然地方文武各官俱能先事覺察臨時用命並各鄉團亦復踴躍爭先效死不去不無微勞足錄合無仰懇 天恩俯准奴才等擇尤酌保數人以示鼓勵並將陣亡民團從優請卹之處出自 鴻慈逾格得 旨著准其酌保數員毋許冒濫○丙子宴廷臣於乾清宮○丁丑賞捐助直賑翰林院編修鹿瀛理侍講銜○諭前據卞寶第奏福建詔安縣大布寨胡姓擄殺徐姓一案首犯胡印龍父子逃匿廣東饒平縣王姓家中該縣王崧有庇匪玩法情事當諭令希元提案審辦嗣據李瀚章奏兩省知縣各執一詞與卞寶第前奏情形不同復諭令希元秉公研訊茲據希元訊明定擬覆奏此案廣東已革饒平縣知縣王崧雖無庇匪玩法重情惟未將差役帶赴會審又未訊出作綫匪犯確供以致案懸未結枝節叢生咎有應得業經革職著毋庸議撤任詔安縣知縣吳庚揚拿犯遲延又不將應訊之犯王粗皮等卽日研審與臬承道吳世榮會審此案未訊供詞先定稟稿並爲王粗皮預寫甘結均難辭咎吳庚揚吳世榮均著交部議處餘著照所議辦理該部知道○戊寅子續昌病假兩月○己卯龍湛霖奏江西在籍候補主事龍文彬著有明會要八十字彙編進呈得 旨留覽○庚辰諭憤係多羅貝勒奕納包衣佐領下人現已補授刑部尚書著加恩

據入銀白旗滿洲○德縣奏鴉湖書院現因添課建修擬請捐撥經費興辦並懇頒賜匾額允之○崧駿奏浙江省溫台兩屬素多盜匪誅不勝誅久在 聖明洞鑒之中本年三月間著匪毛炳一糾集黨與創立洋鎗會名自在溫台連界地方行劫樂清縣事主倪卓氏等家得贖放鎗拒傷倪洪林身死擄去倪洪岳等勒贖又行劫永嘉縣事主胡鳳翔家燒燬房屋放鎗拒斃胡埤全等五命擄去林振芳等勒贖據署樂清縣知縣惲遐齡署永嘉縣知縣邵秉經先後稟報奴才以土匪猖獗若此非痛加懲創不足以懾匪膽而安民生當經飛飭統領溫台防營海門鎮總兵楊岐珍抽調防軍親督會剿猶虞不敷分布復飭調駐紮鎮海之副總兵黃錦文帶領弁勇前往溫州會商剿捕並飭地方文武懸賞購緝合力兜拿去後旋據該營縣先將被擄之倪洪岳林振芳等押解並陸續報獲匪犯李均考戴阿蒙王以銓劉爾樹李可邊李永昆黃老五周瑞興暨小奶葉錫騰等十名飭由該管道府訊明各犯與毛炳一等劫掠放火拒捕擄人屬實先後照章批飭正法梟示臨拿格處之張小柳朱綁梟葉式良王法辦李可多暨征端及不識姓名匪黨三名亦飭戮屍示眾特以巨魁稽誅復嚴飭會拿毛炳一務獲究懲各員弁並知殲斃巨匪麻面度人已載 聖恩准予擇優保獎無不感激思奮力圖報稱楊岐珍深以該匪毛炳一此拿彼竄為慮督率截拿嚴杜竄逸該匪計無可施率黨遁匿永嘉縣樟溪地方黃錦文部將敗生福偵知卽會同例乘

經督帶弁勇及總民周朝七等密往掩捕該匪等負隅抵拒鎗毆互施弁勇向前直撲登時格斃毛炳四及匪黨四名梟取首級該匪毛炳一猶敢抵死抗拒經弁勇合力圍捕毛炳一勢窮力竭始克擒獲並搜獲洋鎗九龍錠子藥等件我軍營勇亦被拒傷五人據黃錦文楊岐珍等報經飭道訊據毛炳一供認糾同張小柳等數十人先後行劫事主倪卓氏等家放火殺人擄人勒贖不諱稟經照章批飭正法局示以昭炯戒伏查溫台地方夙爲盜匪淵藪全在勇營剿捕認真方足以資綏靖年來台屬如方小紅九潘連樹亭頭六等皆係著名巨匪滋擾爲害各員弁等在洋在陸終歲馳驅無間寒暑次第擒斬計已不下二三百名此次該匪毛炳一集黨創立洋鎗會名目放火劫殺無惡不作尤爲兇狠剿辦稍遲必至滋蔓難圖多煩兵力今幸該員弁等戮力同心或懸賞購緝寔爲偵探或勇往撲捕奮不顧身始克殲厥大股消除隱患洵屬異常出力若欲策其將來似非擇尤保獎不足以鼓舞士氣可否仰懇 天恩逾格 俯准將出力員弁葉崇擇尤保獎以示鼓勵之處伏候 聖裁得 旨准其酌保數員毋許冒濫該部知道○王文韶譚鈞培奏 等前奏進剿裸夷匪迭次獲勝情形一摺光緒十七年十月初十日欽奉 硃批覽奏均悉卽著飭令派出各軍實力剿辦迅速竣事欽此當卽札飭督辦鎮邊軍務護理越南道劉春霖欽遵辦理劉春霖以此次叛逆推東主閩官富角義宋永帕五佛房爲盟主佛房者夷民信佛平日表夷

僧如神故其地皆以佛房爲名佛房之外又各有家口營則皆結寨列柵與佛房相依爲固五佛房中東主較近內地而山深地險則莫如永帕此外夷寨星羅棋布皆分隸五佛房而聽命也擒賊擒王非將五佛房一律蕩平夷禍終無了日先是派出前敵三路官軍自松渡黑河後八月二十四日楊宗墀刁煥彩一路分兵進攻磨乃新營盤二賊寨連戰一晝夜次第攻破二十五日楊宗墀由田壩一路進兵道路險峻賊勢甚悍楊宗墀激勵士卒奮勇直前步步緊追刁煥彩由三岔路進兵賊營環列刁煥彩選派得力弁兵乘其不備抄出賊後腹背夾擊遂將賊壘踏平與楊宗墀會合圍攻東主佛房該逆固守不出相持多日楊宗墀商令刁煥彩埋伏山後用重兵三面圍攻鎗礮齊發奮力攻擊賊始不支奪路狂奔當將東主佛房攻破復乘勝將富角閣官兩佛房之賊先後攻潰賊衆均退至東主閣官兩家口營堅守是役斬獲裸夷首級耳記奪獲鎗械弓弩無算官兵間有傷亡此楊宗墀刁煥彩等一軍攻克東主富角閣官三佛房之情形也李雲李春陽屈洪德等一路自攻克藍城後合兵進取魏宋佛房該處頭目震懾兵威率衆乞降該管帶等曉以大義喻以禍福該頭目俯首帖耳誓不復反李雲等遂於二十八日率隊前進銀邊營參將鄒位處督帶開花礮隊繼至九月初九日各帶所部直逼東主家口營之後龍山擠紮連營三座以佔地勢初十日賊見我軍扼要俯瞰卽糾合閣官富角家口營之賊大股撲營該管帶等督隊分

擊壁戰竟日賊勢愈熾乃挑選各營番勇抄攻賊壘前柵李春陽督率弁兵力攻後柵身先士卒燒燬柵門首先攻入當將東主家口營攻克殺賊無算並殲其酋各軍乘勝追殺其閑官富角各家口營聞風奔潰我軍卽就賊營駐紮計是役生擒東主夷酋之妻父李自名一名管事漢奸李勝保一名悍賊四名斬獲首級數十顆搜獲木質偽印一顆奪獲旗幟鎗刀二百餘件官軍亦陣亡數十人此李雲等各軍收撫贛宋佛房及攻克東主等各家口營之情形也自東主富角閑官三佛房及各家口營攻破後各佛房所屬夷寨紛紛投順不下數十處惟漏網賊目挾其死黨敗投采帕佛房恃險聚聚采帕夷酋又勾結野莽叛及棚子緬夷各種約計萬餘人盤踞前山砍伐樹木紮卡拒守與相距四十里之牛市堆爲犄角之勢九月十四日楊宗埈李雲刁煥彩督兵進攻賊出大隊迎戰我軍再接再厲賊亦愈聚愈多互有傷亡未能進取劉春霖因兵機稍頓於十月十一日馳抵東主大營就近督剿卽令楊盛新李春陽屈洪德等專圍牛市堆賊巢以分其勢令土都司李芝隆密派頭目劉顯齡購通匪黨率敢死之士潛入賊營將野莽叛及棚子緬夷並被脅漢民暗中開導允爲內應一面密約各軍於十三日夜間舉事至期楊宗埈率所部爲左路李雲率所部爲右路鄒位處率所部並尉遲念賓之土兵爲中路同時並進賊衆傾巢抵敵戰事方酣刁煥彩李芝隆兩軍夾由後攻入劉顯齡率領約降漢夷反戈相向縱火接應裏外夾攻全山震

勦賊夷之死於亂軍及奪路狂奔滾巖落澗者不計其數遂將永帕佛房削平十六日陽順新李春陽屈洪德乘勢亦將牛市堆壘果攻破統計是役斬賊一百二十餘名招降二千餘衆拔出被脅漢土夷民五百餘家擒獲賊目石扎發張扎科及其管事石鄉長李鄉長等多名訊據供稱永帕逆首石大閑已爲亂軍所殺當將石扎發等卽在軍前正法爲示此官軍三路會合攻克永帕佛房及牛市堆巨巢之情形也劉春霖於十一月初四日進紮猛朗查知五佛房之外尚有所謂西盟三佛主者其酋爲夷僧李同明其地縱橫三百餘里管轄夷民四千餘戶當五佛房叛亂時該夷僧護持同教不免首鼠兩端又聞官逆曾張輜輔及戕害尉遲東曉之賊首李阿奪等均在此未獲劉春霖恐根株未淨難保不死灰復燃因懸立重賞多方購覓並派營員劉樹策普子義等酌帶親軍馳赴三佛主地方剴切開導該夷僧見該佛房已就殲夷傾心就撫呈遞歸順結狀並繳偽印一顆且稱張輜輔挾衆匪入林林已爲莽莽刦殺經劉樹策等確查無異而屈洪德亦探悉李阿奪父子逃匿所在購誘誘獲解營經劉春霖提訊實係戕官首惡當將李阿奪及其子扎拉其婿李扎母奪並其黨鍾三元等四名一併正法邊境一律肅清據護理迤南道劉春霖署理普洱鎮屈洪泰先後馳報前來臣等查鎮邊地方甫經開闢設官戢戍粗具規模及本年四月間忽有游勇漢奸煽惑新附僑夷乘地方文武沿邊勘界突起變端以致參將被戕屬員被困一時人

心洶洶震動非常當飭護理巡南道劉春霖馳前往督辦防剿事務自五月至八月夷驅瘴風正盛未能用兵中秋節後兵分三路搶渡黑河迭將東主永帕等五佛房分別剿撫竣事並將向未歸化之西盟三佛主一併內附拓地數百里且初次平定標黑因各佛房聞風納款不忍加兵以致有此反覆此次大加懲創用制蠻方和夷既一律輸忱即附近各土司亦足壯守邊之膽因由 天威遠布關外幟幟而各將士深入瘴鄉履危蹈險擒渠擒穴出生不無微勞足錄自應仰乞 恩施用昭激勸謹擇尤另繕清單恭呈 御覽其餘在事出力文武員弁可否容 臣等查明酌量保獎恭候 諭旨遵行土都司李芝隆獨當一面闢獲內應計破堅巢厥功甚著據報在營故實堪矜憫應懇 天恩交部從優議卹其歷次陣亡傷亡瘴故各員弁兵丁俟查明另行核辦添募之新軍四營一百五十人應請暫留楊盛新一營以資鎮撫其餘概行裁撤現在開地加廣應辦鎮邊善後事宜按奏定章程不無應行變通之處應仍飭劉春霖督同署鎮邊同知王績威重新經畫稟由 臣等覆加酌核請 旨辦理 上諭王文韶謂鈞培奏官軍剿辦黑叛匪新開夷寨肅清邊境一摺雲南鎮邊地方上年突有新附標夷聚眾滋事拒捕戕官經王文韶等檄飭護理巡南道劉春霖督同文武員弁分路進兵實力剿辦當將東主富角閑官等佛房及東主等各家口營逆巢次第攻克殄斃無算生擒夷酋漢奸悍賊多名搜獲偽印旗幟鎗刀多件漏網

各賊竄至永帕佛房旬結野狻狻及獅子獵夷負隅抗拒道員劉春霖等設法開導四面分兵攻剿內外策應復將永帕佛房牛市堆賊壘分別削平斬首百數十名擒獲賊目石扎發等多名正法勸示招降二千餘眾拔出被脅難民五百餘家並將向未歸化之西盟三佛主一併招降其賊官首惡均被官軍擒獲正法邊境一律肅清在事出力員弁悉為可嘉自應量予獎勵以示鼓勵該部知道單一件片三件併發○升泰奏奴才前於十一月初六日曾將夫馬不齊一時未能啟程情形具奏在案茲於十一月下旬始據商上稟稱遠近夫馬逐一到齊行糧一切採辦均備奴才擬即隨帶員弁兵丁尅期啟程旋據邊務委員黃紹勛張昺稟稱月之十六日赫政來云通商游牧及文報往來一切章程一併臚列條欵明日保爾即須攜往孟臘與眾印官詳加斟酌俟奴才到邊有期即由納湯打電再由赫政電往孟臘便可遵照起身決不遲滯並云文報往來可以仍照前議通商五年無論出入貨物彼此均不納稅至於游牧一層擬以一年照舊不納草費隨後即應按照哲孟雄保護章程辦法其有西藏應禁貨物並請先行明示免致到邊後再議徒多往返各等語查文報游牧果能如此辦法自易了結惟稅務章程奴才前經陳明素未諳習應請總理各國事務衙門示下遵辦藏中應禁各物奴才雖未深悉而藏人無不週知應詢駐邊番員邊境奪吉便悉當飭該委員等據稟赫政轉達保爾並與保爾約期會同赫政仍派該委員等一併護



送前來行館飭在仁進岡行營預備奴才卽於十二月初三日由藏帶印啟程到邊後靜候保爾赫政前來再將如何酌議情形陸續據實奏聞所有本藏衙門日行事件暫委西藏糧員候補通判王延齡代拆代行遇有緊要公事包封遞送行營仍由奴才斟酌辦理俟新任幫辦大臣奴才奎煥到任後一切地方公事卽由該幫辦大臣會商奴才公同辦理得旨該衙門知道○升奏據第穆呼圖克圖阿旺洛桑稱勒拉齊結盟稱此次赴邊應派噶布倫一員前往查商上例設噶布倫四員自伊喜洛布汪曲於十六年十一月初六日病故後懸缺未補現只三員均皆年逾六旬於洋務邊情未甚熟悉且商上公事繁多勢難分派查大招商卓特巴邊覺奪吉前經大衆公議稟請奏派赴邊辦理邊務該員年力正強辦事老練可否准其卽以商卓特巴暫署伊喜洛布汪曲所遺噶布倫一缺以重事權而資鼓勵一年後果堪勝任再行稟請補放等情前來奴才伏查赫政前遞保爾赫政函內稱請飭商派一掌事番官當經奴才體飭邊辦旋據稟稱駐邊番員邊覺奪吉係由商上大衆公議稟請奏派之員卽可掌事無庸另派當經函覆具奏各在案茲既據稱該商卓特巴辦事老練懇以該員暫署伊喜洛布汪曲噶布倫遺缺核與保爾赫政內請派掌事番官之議相符噶布倫又係商卓特巴應陞之階合無仰懇天恩卽以該商卓特巴邊覺奪吉署理伊喜洛布汪曲所遺噶布倫一缺實於邊務不無裨益至應否補放俟奴才到邊察看能否

勝任及邊務果否始終無誤再行奏請補放允之○辛巳遣載卓恭詣 蕪陵致祭○以湖北記名提督  
宋德鴻捐建淮軍肅武軍昭忠祠並設義塾以教忠裔准予立案○癸未遣奎琪恭詣 奉東陵致祭○  
以吳殿元爲直隸大名鎮總兵○溥芸請開差使允之賞食半俸○甲申前任西安將軍尙宗瑞卒卹陞  
如例並賞銀五百兩治喪○丁亥諭軍機大臣等劉坤一奏江北冬漕運辦河運請飭疏通河道一摺據  
稱大泛口濟甯新店安山一帶或河係砂礮或異常淺澀十里鋪陶城埠口門內外淤墊更甚以及南陽  
湖進出口門均須大加挑濬等語南漕關係緊要所有漕船經行河道必須豫籌疏濬方能迅速抵通著  
許振祿福潤湯聘珍展飭該管河道各官認真挑濬務期一律深通以利漕行將此由四百里諭知許振  
祿福潤並俾諭湯聘珍知之○己丑遣麟嘉恭詣 裕陵致祭

東華續錄

光緒一百九

朱壽朋敬編

張毓英恭校

二月庚寅朔剛毅奏 臣於光緒十六年十月十七日承准軍機大臣字寄光緒十六年十月初六日奉  
上諭前據兵部奏喪陰森楊昌溶由福建拜發摺件中途屢被拆毀當經諭令卞寶第等查辦茲據卞寶  
第奏稱卽經派委委員逐站挨查閩浙兩省驛站均無拆毀情事請令沿途各督撫飭屬嚴查等語奏摺  
夾板屢有遺失斷無各驛站全無拆換之理自應一體嚴查以期水落石出著李鴻章剛毅各飭所屬挨  
站確查究係何處私拆卽行據實復奏從嚴懲辦等因欽此當經行司委員認真查辦茲據臬司陳湜詳  
稱前臬司張國正遴委候補知縣周玉鳴先至與浙江接壤之首站吳江查得該縣平望驛於光緒十四  
年九月初四日接浙江西水驛遞到福州將軍於八月二十三日拜發奏摺夾板一付外用篋包印花油  
紙封面先經浙江西水驛查驗篋包甚薄用太平秤過計重十二兩由西水驛遞夫殷世五手出具甘結  
一紙經該站驗明復秤逐站轉遞至江蘇永站宿遷縣响嶠驛馬夫高雲轉遞山東首站鄒城縣紅花埠  
驛接收查驗篋包計重分兩均屬相符取有甘結又十五年十二月二十三日平望驛接浙江西水驛遞

到船政大臣於十二月十三日拜發奏摺一付篋包完固遂站遞到喇哈驛轉遞郊城縣紅花埠驛接收  
取有篋包完固並無破損甘結是蘇省接遞以上兩次奏摺夾板取有山東紅花驛出具計重分兩相符  
甘結取有篋包完固並無破損甘結其為並非蘇省各驛站失少無疑惟十四年十月二十七日平望驛  
接到浙江西水驛遞到福州將軍於十月初六日拜發奏摺夾板一付黏有浙江阜林驛遞夫陳應高升  
甘結一紙載明外面篋包破碎微露摺匣係上站原來字樣遂站遞至高郵州界首驛查明號簿均屬與  
原來相符自界首驛轉送寶應平安驛則稱篋包尚屬完好並無擦破亦無阜林驛甘結查核情節顯係  
高郵州界首驛驛書拆換篋包將結放在匣內朦混轉遞稟由臬司行提該驛馬夫陳谷驛書韓應選到  
省發交蘇州府魁元研審供詞均屬含糊現在俱各患病未能履行審訊應請將失察之前任高郵州知  
州謝國恩先行揭參前來臣查驛站往來文報關係甚重專管官宜如何選派驛書馬夫慎速馳遞乃該  
驛書韓應選等接遞福建省摺件膽敢擅換朦混該州未能查出稟辦實非尋常失察可比自應據實嚴  
參以肅功令相應請 旨將前任高郵州知州謝國恩先行交部議處得 旨如所請行○辛卯諭福錕  
等奏 醇賢親王安葬事宜請飭擇吉舉辦一摺朕欽奉 慈禧端佑康頤昭豫莊誠壽恭欽獻皇太后  
懿旨著欽天監於本年四月內選擇吉期奏明辦理○王文韶譚鈞培奏臣等於上年十二月間具奏剿

辦披河蠻匪竣事一摺光緒十七年正月初二日欽奉 硃批知道了仍著嚴拿祿文仁等務獲懲辦出力人員准其擇尤酌保毋許冒濫等因欽此遵卽嚴飭在防各營認真捕拿旋經督帶綏靖左營參將王天長等於四月初二日在中梁子地方將蠻酋祿文仁拿獲解省訊明正法業於本年五月十七日附片奏報在案茲據該管地方文武及帶兵各員將在事出力人員開列職名稟請獎敘當經批飭善後局司道悉心察核從嚴刪汰擇其尤爲出力之員開單詳請奏獎前來臣等查披河地方孤懸金沙江外界屬川滇蠻夷雜處撫馭綦難上年蠻酋祿文仁等率其醜類出巢滋擾勢甚披猖邊民深受其害該處深林密菁峭壁懸崖官兵進剿則閉關斷險無徑可尋追我軍收隊則設伏遮要輒乘不備賊情地勢均異常此次派出各軍一鼓作氣奮不顧身陷一陣始能進一步每一臨艱於克一城節節前進步步爲營未及兩月卽將披河屬境一律蕩平兇悍蠻匪斬滅殆盡餘衆受撫積年被擄良民悉數贖還回籍蠻酋祿文仁被剿窮蹙亂竄狂奔幾幾倖逃注網防營將士多方偵探竭力搜捕卒將肇亂逆酋擒獲解省懲治當剿匪最緊之際四川督臣劉秉璋來函謂川西沿邊數千里盡屬土司內地則岷馬雷屏越嶲環列大小涼山夷支百餘族壤連腹地若滇蠻日久稽誅句結爲亂則川患不可勝言蓋披河插入川疆於滇省一江之隔於川則頭頭是道防不勝防也臣等忝膺邊寄深懼貽禍鄰疆督飭各軍及地方文武相機決

策勒限程功辛而將卒用命奮勇馳驅不辭艱險衝鋒陷陣擒穴擒渠實屬異常出力所有單開在事文武員紳等詳加查核並無冒濫合無仰懇 天恩准照所請獎敘以昭激勸下部議奏○甲午命桂祥文秀管理神機營事務○戊戌祭 社 稷壇 上親詣行禮○以張聯桂爲廣西巡撫○李鴻章奏據統領武毅等軍直隸提督葉志超等聯名呈稱淮軍剿辦粵捻以來大小數百戰立功死綏諸將士疊荷 恩獎迨巨寇削平各軍調辦海防修築營壘勤苦工操遇有積勞亡故人員咸蒙奏卹凡在戎行同深感奮伏查江蘇之蘇州無錫湖北之武昌直隸之保定皆係淮勇立功地方疊經奏奉 勅建淮軍昭忠祠專祀剿平粵捻陣亡傷故文武員弁勇丁及海防積勞病故人員各在案廬州爲淮軍創始之地祠祀至今缺然署甯夏鎮總兵衛汝貴去歲市喪回里與在籍江蘇候補道李天鉞及各紳士詳議擬於湖南湘鄉縣及洞庭君山湘軍昭忠祠故事在廬州府城東南之巢湖中廟空隙處所創建淮軍昭忠祠所需工款各軍自行捐助請奏明立案列入祀典由地方官春秋致祭等情 臣維咸豐初年粵逆竄擾皖北擒匪復芽其間廬州爲爭戰要衝環伺其時 臣父刑部郎中記名御史李文安 臣先後奉 旨回籍辦理團防因督同在籍紳商故兩廣總督張樹聲前福建臺灣巡撫劉銘傳故湖南提督周馥故廣西巡撫潘鼎新等部分子弟招致豪傑各鄉勇屢殲巨寇保衛里閭以忠義相提倡爲粵賊所畏懼同

治元年臣奉 命督師東下委任蘇撫創立淮軍諸人並率所部以從今四川總督劉秉璋故廣東水師提督吳長慶等亦以勇縣之士各成一軍隨同進剿其後戡定全吳肅清二捻戰伐之迹徧於浙閩江皖鄂豫直東各省將士盡瘁効忠後先相望疊蒙 恩旨卹恤有加履數逮於子孫崇祠徧於南北 獎忠之典曠代罕儔昔大學士曾國藩於咸豐八年奏建湘鄉縣昭忠祠請上以體 聖世獎忠之意下以勵鄉人觀感之誠逮粵逆既平曾國藩復為祠記歷序軍事本末而推原於人心忠誠之激發蹈死亡而不悔臨艱險而不避故能芟夷大難歷久而不變也淮軍之起逾三十年同時共事之人存者十不一二而部曲將校遞統其衆皆昔時百戰相隨之士並能修明紀律不墮軍聲迄今拱衛 畿輦東至營青南迄閩廣屹為海防得力之師其留防江鄂各軍雖經汰裁猶稱勁旅歷時雖久士氣不衰廬州為各將士故鄉親見從前治軍締造之勩捍衛之績其後父兄弟從征四方長往不返歲時霜露良足感傷各省皆有祠祀而本郡獨無懼無以稱 朝廷獎卹忠勩之至意該提督擬仿湘鄉縣及洞庭湘軍昭忠祠成案於廬州巢湖之中廟墮地捐建淮軍昭忠祠用申報饗庶以妥侑教魄昭示來茲台無仰慰 恩施俯准一體列入祀典由地方官春秋致祭以昭激勸得 旨如所請行○庚子以黃槐森為廣西布政使唐樹森為貴州按察使○沈秉成奏 旨承准軍機大臣字寄光緒十七年七月二十七日奉 上諭有人奏各

省教案迭出請飭嚴辦保甲一摺擬請沿江一帶會匪最多常德漢口大通蕪湖鎮江清江浦周家口皆商賈薈萃之區匪徒易於匿跡請飭各省擇尤舉辦保甲等語保甲為弭盜良法如果實力奉行何至會匪游勇結黨滋事層見迭出著沈秉成督飭各屬認真舉辦不得因循廢弛視為具文亦不得任令胥役藉端騷擾務使會匪無所潛蹤俾免勾煽為患是為至要原摺均著鈔給閱看將此各諭令知之欽此遵旨寄信並鈔發原摺前來臣遵即恭錄札知藩臬兩司欽遵移行各屬認真舉辦竊維除暴安良以保甲為最善蕪湖縣當長江要衝為通商口岸華洋商民輻輳匪徒混跡其間迭獲重懲根株未盡大通鎮在銅陵縣境與和悅洲兩岸對峙久為濱江要地淮鹽百貨薈聚其間客商多於土著匪蹤便於匿藏向來保甲事宜蕪湖派有專員與地方官會辦大通則責諸移駐之池太同知就近辦理此次欽奉 寄諭查照鈔發原奏遴派大員經臣檄委候補道袁秉楨會同署徽甯池太廣道彭祿體察情形趕緊籌辦去後旋據該道等會議章程條例具稟臣詳加察核飭即同時設局開辦編查巡緝之要不外水陸兩途陸地紳商民分上中下三等一體確查戶口按造門牌其中小本營生外來傭趁在於僻處空地河邊廣結草廬頻繁且雜與各客棧飯館皆易藏奸此等棚民均詳詢其籍貫生業而令其結互保若投宿過客則盤詰其來蹤去跡即令登簿呈查其他僧寺道院飭令報明住有幾人如有閒房出租外客寄宿隨時具



報備查至於煙館博場爲藏垢納污之藪申嚴禁閉藉清盜源水次江口內外划船孔多以載人裝貨爲生時有訛案攘竊比匪爲奸情事飭令編號清查擇立幫頭約束取其連環保結其洋號駁船水手多非舊良往往恃有護符逞強生事由關道通知領事官及洋商執事等人傳諭該船戶一律編號查取保結不得藉詞抗拒來往輪船到埠上下搭客紛如不法之徒輒在此時乘間搶竊由關道製備巡船專在輪船泊處彈壓稽察水陸周巡非人不濟遴委文武員弁募用勇役等人晝則分查夜則會哨要隘酌立巡卡以阻宵小之潛行水口添設木檔以限匪船之偷渡所需薪糧經費設法措籌毫不取之於民以杜藉端擾累但責令幫保暨牌甲各長親率訪查互保各家交相伺察不准容留奸匪卽行自保身家聯眾志以懲匪心期於官民一氣附近荻港俾港東河等處並係沿江要區時有竊盜伏居出而滋事又或此拿彼竄飄忽無常保甲一事由該道等另派委員嚴辦仍飭地方縣營合力勦查以臻周密又無湖縣向設團防招募練丁巡查奸宄事歸董辦費出商捐日久懈生難期得力卽應及時重整與保甲相輔而行該處巨商向多義舉以此事堪保衛商務莫不樂於捐輸已札飭該道等將無湖大通團防事務并入保甲案內斟酌妥辦各商量捐經費出自急公期於會匪游勇之蹤有所畏而斂戢倘能捐有成數辦有明效擬仿照福建江蘇前辦茶捐章程奏請獎給虛銜 封典以昭激勸報聞○辛丑諭松淮奏左翼關稅期

滿正額無虧盈餘未能足額並請飭部酌加馬牛價值各摺片著戶部核議具奏○諭李鴻章奏侍衛侍符妥爲請量予懲處等語據樞宗室侍衛舒英赴瀋州收取田租於被水地畝並不體察情形減收成數概令交納全租經該州知州吳積旬詳案查訊輒敢闖入州署咆哮凌逼實屬膽大妄爲此風斷不可長舒英著卽行革職以示懲儆○乙巳 上諭 文昌廟拈香○召松峻入覲以劉樹堂護理浙江巡撫○丁未 上諭 關帝廟拈香○諭前據卡寶第奏提督孫開華剿辦德化縣匪徒日久未將匪首陳衆擒獲自請議處據咨代奏當降旨將該提督交部議處昨據卡寶第奏已將陳衆拿獲正法本日兵部遵議覆奏所有福建陸路提督孫開華應得降一級調用處分加恩著改爲降二級留任○諭本年輪應查閱湖北湖南雲南貴州四省營伍之期湖北卽派張之洞湖南卽派張煦雲南卽派王文韶貴州卽派崧蕃逐一查閱認真簡校如有訓練不精軍實不齊者卽將廢弛之將并據實奏參毋得視為具文○劉坤一剛毅奏吳淞江河道爲蘇州松江太倉等屬農田水利所資前經調撥營勇協同民夫通力合作業將開工及工竣日期先後奏報並將在事出力員弁遵 旨擇尤酌保數員聲明此項工需於賑捐餘款酌數恩銀暨各屬攤徵河工歲修項下支用自可邀免造報在案旋准工部咨仍令照例造冊送部核銷等因當經轉行遵照去後茲據蘇州藩司鄧華熙臬司陳湜會同蘇屬水利工程總局詳稱據原辦委員候補

知府周運將用過銀數開冊呈請核報前來伏查此項開濬吳淞江自四江口進東之橫濱口起至新開大王廟止總計工長一萬二千五百五十二丈實挑土八十五萬九千三百七十五方零共用土方人工及築勘工料等項庫平銀一十六萬九千五百零五兩零係撥節核實並無浮冒照造清冊詳請具奏前來臣等覆核無異得 旨該部議奏單併發○戊申李鴻章奏提標八溝營參將所屬之建昌營赤峯營各都司朔陽營守備遇有缺出例應於滿員內揀選題請升調查建昌切近嘉峯口一帶赤峯則壤接開場朔陽則界連秦省實為熱河保障畿北屏藩各該營所轄汛地均週環二千餘里山徑錯雜馬賊出沒靡常緝盜衛民責成極重兼以近年蒙漢民教結怨仇致上年冬釀成巨亂數萬生靈均遭荼毒若非官軍赴機迅速必致滋蔓難圖兵燹以後尤賴將備會同牧令認真巡防撫輯莫可弭患未形非精明幹練勤於緝捕之員不克勝任現在口內旗缺都司守備多係部推人員或初任尙少閱歷或邊防未經習練若仍拘守成例循資遷轉控制稍不得力貽誤實非淺鮮夫地方情形今昔既異立法須因時變通卽如口外州縣向係專用旗員嗣因蒙民雜處獄訟繁多改爲滿漢兼用俾資治理仰見 朝廷用人不拘成格文武事同一律自應斟酌時宜以善其後 臣前因多倫諾爾孤懸塞外盜賊滋紛請將該協中左右三營都司守備改爲滿漢兼用經部覆准在案熱河大難甫平人心未定伏莽猶多舉凡彈壓浮讞緝拏賊匪

修明武備整飭軍規均爲目前急務邊防之重實較多倫諸爾爲尤甚懲前毖後未便稍涉因循所有建  
昌赤峯朝陽三營都司守備員缺應請援照多倫成案改爲滿漢兼用嗣後遇有缺出在於通省現任都  
司守備千總內揀選諳練戎機講求捕務之員分別請調請陞如一時不得其人卽以在直年久熟悉邊  
情之候補人員請補以收人地相宜之效並與提督商至再意見相同此亦然河警後應辦之一端  
仰懇 天恩准照所請辦理謹於口外時局大有裨益下兵部議奏○辛亥朔 日於東郊 上親詣行  
禮○諭軍機大臣等沙克都林扎布奏蒙古臺站遞送公文摺報任意耽延請飭整頓等語臺站遞送公  
文摺報例有程限豈容稍涉延誤若如所奏各節疲玩成風毫無稽察尙復成何事體著永德惠銘魁福  
阿興阿嚴飭各屬臺站遇有公文摺報務卽隨到隨遞勿許片刻稽留倘敢仍前玩泄卽著從嚴懲辦原  
片均著鈔給閱看將此各諭令知之○乙卯諭本日正白旗漢軍帶領引見署都統果勒敏於呈遞綠頭  
鐵時並不口奏清語殊屬不合果勒敏著交部議處○丙辰諭軍機大臣等有人奏銷售硝磺斤數增多  
利小害大一摺據稱貴州委員赴川漢等處設局銷售硝磺川省州縣發給印票一人一票准購百斤恐  
奸民販運貽害地方請飭仍照舊章辦理硝磺每票准購百斤有無流弊著劉秉璋王文韶譚鈞培體察  
情形奏明辦理原摺著鈔給閱看將此各諭令知之○諭本日禮部順天府會奏遵旨查勘租庫游牧官

地查明地畝原委現擬辦理一摺復據禮部左侍郎啟秀奏司員辦理租地不遵奏准成案肆意欺朦請旨飭查各摺片著派徐桐崇禮確切查明據實具奏○卞寶第奏閩省瀕海土田礦礫小民生計維艱異常貧困而於種棉織布之法素未講求全賴江浙布商販運來閩歲耗金錢百萬以致生機日蹙臣與在籍紳士籌商於省會創立織布局招集織徒市購織具量給火食限以三箇月學成領機歸織數月之後每徒每月率能織布二十餘疋試驗已有成效其局用經費由臣題銷籌發並各紳士湊集股分公司製辦現經設局兩年城鄉多仿照辦理每年約出布四十餘萬疋窮民執業賴以資生從此逐漸推廣織務可冀日盛據各紳士稟稱土布爲洋紗所織貨粗價賤行銷本滯現既收其進口之紗稅又徵其口內之布釐是一徵再徵價值因而愈增銷售必至愈阻請免徵布疋進口稅釐等情具稟前來當飭稅釐局司道核議去後據稟織布官局所出土布此時未旺暫行免徵其民局運往各處土布請照六折徵收等情具稟行之將屆一年官局售布已有利益民局售布尙少盈餘似不得不酌減稅釐以示體恤伏查閩省民業艱難特勸廣興織布冀收什一之利藉免餽寒可否仰懇 天恩土布進口免其再徵稅釐其運售出口土布減爲四折徵收得 旨如所請行○丁巳 上諭 建福宮行禮○諭李鴻章奏已故大員輿情愛戴據情代奏籲懇恩施等語已故降調尙書黃壽慈從前獲咎之案因人受過情節本輕其在順

天學政任內取士公平按試定州值擒逆北犯募勇守城地方賴以保全至今人士懷念賀壽慈著照向  
舊例賜卹任內一切處分悉予開復○是月比利時國實授陸燾榮爲駐華使臣

三月庚申諭福焜等奏 醇賢親王金棺奉安應行典禮並添設官兵各事宜繕單呈覽一摺朕欽奉

慈禧端佑康頤昭豫莊誠壽恭欽獻崇熙皇太后懿旨四月二十一日 醇賢親王金棺奉安國寢 皇帝於

十九日辦事後親詣國寓行禮致祭是日駐蹕頤和國寓門外恭送後還西苑辦事二十六日 皇帝於

辦事後駐蹕頤和國二十七日親詣國寢行禮仍駐蹕頤和國二十八日還西苑辦事所有國寢應搭抬

轎踏菜並國寢鋪砌隧道各工看牲亭等項房間著一併添建其府屬原設之官員人役均著毋庸裁撤

○前大學士閻敬銘卒賜卹如例○癸亥祭 先農壇 上親詣行禮○甲子以譚鍾麟署工部尚書孫

家鼐署戶部尚書○乙丑 上詣 壽皇殿行禮○祭 歷代帝王廟遣凱奏行禮○戊辰升泰奏光緒

十七年十二月二十六日會將遵 旨改赴後藏照料坐牀事畢迅即赴邊緣由山江孜途次具奏在案

拜摺後隨即起程於是月二十八日馳抵後藏至十八年正月十二日班禪先後坐牀受戒禮成遂於十

六日復由後藏起程十八日折回江孜因前途番官具報大雪封山稍駐數日即於本月二十六日由江

孜起程赴邊先是奴才在後藏於正月初二日接據邊務委員來稟並准轉政來函轉呈譯出與保爾會

商酌訂後三款辦法 奴才詳加披閱所陳各條與 奴才去歲議駁印度各條大致不甚參差不難照准惟  
商上素切懷疑此番定案垂諸久遠未敢苟且從事以免事後藏將反復當即據情譯行商上適值第  
呼圖克圖遊 旨為班禪受戒亦在後藏 奴才復經往謁告以英人意在修和所陳各條并無刁難之事  
儘可照辦乃該呼圖克圖面稟以事關久遠必須回前藏與大眾公同會議再行具稟懇請核度 奴才竭  
誠開導察其意尙無他當即准其回藏公議俟稟結到日核度辦理一面函復赫政轉達保爾約期並飭  
委員等伴送前來 奴才到邊後俟商上來稟即行旨諭定議竊查彼族狡戾性成此次改闢游歷遠更前  
議勢在必行仰賴 朝廷威福總理各國事務衙門一力主持轉圜既捷有非 奴才所及逆料者刻下機  
有可乘事將定局 奴才以為又當以緩應急一切以持重出之審慎綢繆免貽將來之患至如何定議統  
俟商上稟結到日請示總理各國事務衙門如何辦理再行奏 聞待 旨該衙門知道○辛未以熱河  
匪徒剿平予出力人員卹士成等獎敘有差○德縣奏案准長江水師江西湖口總兵丁義方咨據管帶  
湖口礮隊營官儘先補用都司劉萬驥報稱湖口武昌港礮臺內安馬理治前膛來復鋼礮大小五  
尊前築土牆礮口鐵門五條內設兵房五間走廊一道後築磚牆礮房門五條一二三四五各門俱從內  
面門扛推當中第三門由外鎖鋼平口非操習不開窗戶俱用鐵檻外加磚圍牆一道圍牆外礮房一座

外另搭蓋草棚爲勇丁看守棲息之所。營內兵房五間。歷歲駐宿兵丁。原爲慎重火燭起見。不料本年二月初五日夜四更三點時。分烈風雷雨交作。電光四射。支更勇丁俱進避難。霹靂一聲。遙望電光一道直射礮臺。震動藥房第二門。臺頂火光迸出。後牆登時倒塌。合營驚起。卽將門鎖打開。甫啟門而烟火直噴。人不能入。其他門戶由內門扛擋打不開。屏水無濟。各門後牆均倒。人力難施。救援莫及。幸子藥房留存火藥尙不甚多。且未堆置一處。雖引火甚速。臺上不致橫衝。連擊軍民勇丁均未損傷。營房草棚因極力撲救。均得保全。洋鎗什物未失。民房亦未延燒。其銅礮五尊。現爲三合土堆壓。有無損傷。情形容俟搬開泥土查明另報。等情。該鎮聞報登時卽經率同文武出城撲救。惟風猛雨烈。人力難施。全臺俱經燒燬。咨請查照核辦。並據九江道李希蓮聞信卽委同知王儒楷往查。稟覆前由各等情。臣接閱之下。不勝駭異。查湖口武昌港礮臺。前於光緒元年建造。並駐營勇防守。委候補都司劉萬驥作爲礮隊營官。管帶礮勇。每日操演打靶。以資練習。嗣恐無人統轄。致有疏懈。經前撫臣潘蔚於光緒九年時咨請湖口鎮就近節制。臣到任後。悉仍其舊。實爲慎重江防起見。今該礮臺猝被雷火轟燒。是否另有別故。卽經臣委令管帶親兵營營官周有才馳往。密加查詢。察訪回稟。情形核與該鎮道所稟大致相同。並查明臺內礮房五間。原設鋼礮五尊。內八十磅鋼礮二尊。六十四磅鋼礮一尊。四十磅鋼礮二尊。其六十四磅礮身災



接口處探試似有裂痕其餘四尊尙未損壞礮牀五座因被火燒土壓四座營欵較甚一座較輕隨礮器  
具多已燬失臣查湖口縣城外建有礮臺二座一在西岸梅家洲一在東岸武曲港現存礮勇百名分駐  
守梅家洲地勢低窪每當水落岸平臺身顯露設遇江湖泛漲水過臺身潮濕異常年來間生白蟻木料  
恐難經久武曲港基地稍高然均在江濱每逢大雨礮臺亦不淹沒此次武曲港礮臺被雷火轟燬將來  
應如何酌量修復抑或另擇高處最爲遷移臣確切查明遴選熟習工程員弁並察看地方情形另行奏  
明辦理惟該都司劉萬驥身充礮隊營官守護礮臺是其專責乃武曲港礮臺陡遭雷火焚燬雖非其意  
料所及惟平時既防範多疏臨時又撲救無策實屬有辜典守咎無可辭相應請 旨將營帶湖口武曲  
港礮隊營營官儘先補用都司劉萬驥卽行革職由臣另委接管以爲看守不愼者戒至長江水師營湖  
口總兵丁義方有就近節制之責應否交部議處之處非臣所敢擅擬並候 聖裁得 旨劉萬驥著卽  
行革職丁義方著交部議處餘依議○丙子戶部左侍郎續昌因病奏請開缺允之○劉坤一奏兩淮鹽  
法志一書自嘉慶十一年重修之後迄今已歷八十餘年其間改綱爲票又經寇亂變故百生今昔情形  
迥然各別自宜徵文考獻載諸簡篇用存典章而示來世光緒十五年十一月前督臣曾國荃始議設局  
續修查照成案由淮南北兩販略捐經費派委前山西冀寧道王定安專司總纂兩載以來督同員紳詳

加討論特以金陵揚州衙署均遭兵燹案牘蕩然無存爰徧稽舊籍廣爲咨訪或從近人文集或得故家藏案以及老商世冢所鈔秘本采輯無遺於纖悉必錄之中仍寓繁冗必刪之意約計得書百餘卷容俟全書告成敬謹繕本恭呈 御覽俾舊章得稽考而有徵新政垂久遠而不墜報聞○戊寅調鳳秀爲工部左侍郎阿克丹爲刑部右侍郎轉崇禮爲戶部左侍郎以立山爲戶部右侍郎○庚辰許振祿奏光緒十八年二月初三日承准軍機大臣字寄光緒十八年正月二十七日奉 上諭劉坤一奏江北冬漕遊辦河運請飭疏通河道一摺據稱大泛口濟寧新店安山一帶或河係砂礫或異常淺澀十里鋪陶城隄口門內外淤墊更甚以及南陽湖進出口門均須大加挑濬等語南漕關係緊要所有漕船經行河道必須預籌疏濬方能迅速抵通著許振祿福潤湯聘珍嚴飭該管河道各官認真挑濬務期一律深通以利漕行將此由四百里諭知許振祿福潤並傳諭湯聘珍知之欽此遵 有寄信前來當卽欽遵轉行去後伏查運河應挑河道應辦工程兩年以來因南漕加運新漕提前開兌經臣轉飭該管道屬暨營務處預先認真挑辦在案臣維劉坤一所奏在通利漕行是據江南糧道所稟而言若臣與福潤更實有攸歸自以運衛漕船出境爲第一義伏讀 聖諭周詳明燭運道利弊必須豫籌疏濬以利漕行仰見 聖謨深遠欽感莫名臣於去冬既有嚴飭道屬提前估辦之札復於前次奏請 敕下山東巡撫飭司撥款趕辦

茲據山東運河道憲安崇稱各汛淤淺工段向係應令估辦上屆因限於錢糧迫於時日勉將已估之工復加剔緩所有未辦各段以及復受新淤之處俱應核實勘估在漕船未到之前一律挑竣前經會同營務處委員督飭總汛逐加查勘查得捕運洲三屬縣東東平汶上滕嶧等汛或因黃河倒灌或當汶水涵流或近沙山或多淺淤皆按年必挑之工約略勘估所需甚鉅不得不力求撙節茲擇受淤最重者間段施挑計捕河總縣東東平州同二汛共准估長河二十四段共長二千二百一十四丈除額夫挑土外共估添募夫六百四十三名例價器具銀二千七百兩六錢津貼銀二千五百七十二兩運河屬汶上汛共准估長河工五十一段共長九千一百一十四丈除額夫挑土外共估添募夫一千九百八十四名半例價器具銀八千三百三十四兩九錢津貼銀九千六百六十一兩九錢九分九釐運河屬滕嶧二汛共准估長河工三十三段共長二千七百二十四丈除額夫挑土外共估添募夫九百六十七名半例價器具銀四千六十三兩五錢津貼銀八千五百一十四兩以上三屬共准估例價津貼銀三萬五千八百四十六兩九錢九分九釐核計工款實已有減無浮續具清單稟請核奏按照上屆成案指撥山東藩庫銀兩以資趕辦等情前來臣覆查無異應請仍飭東省藩司速行解款撥解到工以憑嚴督該管各員晷日興作認真挑浚庶幾不誤要需下都知之○辛巳 上諭 奉先殿行禮○皇后詣 先農壇行禮○諭胡

聘之奏革員虧短交代請查抄備抵等語山西已革通判榮昌前在署清水縣任內虧短正雜各項銀兩業經奏參革職勒追迄今並未完解實屬延玩著該護撫將該革員卽行監追並將歷過任所寓所資財先行查抄一面提集經手丁胥人等嚴訊懲辦並著鑲藍旗滿洲都統將該革員家產一併查抄備抵以重庫款○癸未 上幸頤和園詣 慈禧端佑康頤昭豫莊誠壽恭欽獻皇太后前請安○丙戌總理各國事務衙門奏俄國使臣喀希呢議接辦海關泡琿春等處陸路電綫請派大員會商辦理得 旨著派李鴻章與俄國使臣妥商奏明辦理○丁亥徐桐崇禮奏光緒十八年二月二十七日奉 上諭本日禮部順天府會奏遵旨會勘南廠淤復官地查明地畝原委現擬辦理一摺復據禮部左侍郎啟秀奏司員辦理和地不遵奏准成案有違欺朦請旨飭查各摺片著派徐桐崇禮確切查明據實具奏欽此旋由內閣鈔出各原奏當經片行禮部調取一應卷宗並將案內緊要情節逐款查令聲復復劉順天府查取案卷及會訊供結去後嗣據各衙門先後咨覆前來臣等督飭遵派司員逐加查核詳細推求謹將查明確切情形爲我 皇上繕晰陳之查禮部租地畝數嘉慶九年順天府覆奏各摺業經聲明原奉 恩賞諭旨冊檔契據久已銷燬無存是究係定額若干彼時已無從稽考現據送到各案卷內有舊案冊一本冊首鈔載嘉慶九年禮部奏請清查原摺次載順天府查勘覆奏原摺並畝數清單卽侍郎啟秀照依鈔錄進

呈之案又其次鈔載道光十五年存案畝數卽侍郎啟秀片稱較前多至四十餘頃之案後載光緒十一年呈稿據禮部註稱此件呈堂稿內敘明道光十五年十月奏請會查是嘉慶九年以後確有奏案可憑惟事隔五十餘年原案無存等語當卽片查禮部嘉慶道光年間案冊憑何鈔錄入冊有無底案所稱道光十五年奏案因何無存旋據禮部覆稱自餘年來將吏盜竊舞弊莫可究詰所有冊檔多被銷燬嗣經司員等設法整頓僅於殘缺不全稿件內彙鈔一本成案所鈔底案現均存至道光十五年原奏底案不知何時燬失等因查據順天府復稱亦無案據訊據地租處書吏供稱從前案卷不知何時銷燬該吏並無串通舞弊情事自光緒十二年接管舊案均亦不全又送到之告示簿一本係同治七年所訂內載告示文簿據禮部註稱此冊內亦有道光年間續經開荒之語此次會勘之地卽同治七年飭催頭看管之地查據順天府復稱同治七年曾經派員往查其如何會勘亦尚未查出案據又送到之老年徵租冊一本內載畝數四至收租錢數統核冊內畝數零碎不全查據禮部覆稱原奏所稱按照檔冊所載四至逐一查丈卽係指老徵冊而言現存畝數不在老徵冊之內又送到之舊照八張照內載有四至沙堆沙岡字樣及承佃名姓有係乾隆年間者有係嘉慶年間者合計僅九頃有零此查明地租處案卷不全之實在情形也至禮部辦理此案與侍郎啟秀意見不合之處等將各原奏詳加查閱並將咨覆文件冊內

黏記徽註及咨送之司員說帖該侍郎原擬堂諭互相考核如該侍郎奏稱嘉慶九年順天府奏定荒熟地三百十六頃前尙書紀昀憶係七百二十頃之說已經聲明奏駁是收租地畝應以此件奏准成案爲斷等語據禮部咨送說帖內稱前尙書紀昀因租地僅存一百三十頃奏交順天府查出荒熟各地三百十六頃其乾隆三十年以前畝數若干順天府亦不能確指卽閻泰和亦祇稱未聞有七百二十頃並未斷定爲祇有三百十六頃當時查勘時實因此地迷失多年難以追究故就現查出之三百十六頃奏結且道光十五年畝數較嘉慶九年之數加增若非查出侵冒何以有此增多之地又如該侍郎奏稱上年奏請查辦原奏內稱按照冊冊所載南至豫王墳北至元神廟東至老地西至渾河東岸及按照冊冊所載四至逐一查丈詳加考核實無此項冊冊檔案四至等語據禮部咨送說帖內稱此次淤復各地卽同治七年所查之地檢查同治七年告示文簿有郭公莊迤西北至元神廟南至豫王墳字樣其元神廟西邊緊接渾河堤身又現存徵租老冊各佃戶地畝四至亦有元神廟豫王墳及渾河堤各字樣上年勘丈時此項四至詳查冊冊並皆實有其地又如該侍郎原奏內稱道光元年同治七年清查之案均非奏案又無切實根據等語據咨送說帖內稱地租檔案久經書吏等舞弊銷燬不特乾隆嘉慶以前十不存一卽近年各案亦多殘缺不全查現存冊冊祇有道光十五年存冊畝數惟呈堂稿內有道光十五年七

月奏請順天府會同查勘之語是道光十五年之案雖奏案無存決非憑空捏造且此件奏案之遺失難保非書吏等串同舞弊燬後案而存前案爲侵佔地步至同治七年所查之地卽現在淤復地段當時查勘後因沙石積壓是以暫交值頭看管此次清查卽係完結同治七年未結之案確有根據何得謂任意誣指又如該侍郎片稱現在丈得淤復各地無論有人控訴卽係情願退交均非禮部應有之地倘係無糧黑地或係別項官荒均應由地方官查明照例升科亦非禮部催頭等所應倚勢詐取等語據禮部咨送說帖內稱升科定例並無私墾之人不先呈報給照遞准升科之例今亦明知此地爲無糧黑地及各項官荒並非劉源清張華林等原有產業乃必以爲非禮部所有請交順天府升科是欲於已經具結願退之地仍還之私墾冒種之人此等辦法實非所測此禮部辦理此案與侍郎啟秀始終意見不合之實在情形也臣等查此案關鍵固應以嘉慶九年奏案爲憑亦應以嘉慶九年後有無清查之案爲證上年南廩催頭呈報淤復禮部以嘉慶九年查出地畝並非定額因光緒十一年呈稿敘有道光十五年奏請會勘之語謂爲嘉慶九年以後確有奏案以同治七年告示文簿有飭交看管之語爲清查根據以老年徵租冊及告示文簿所載四至爲考證辦理不爲無因現就禮部咨送案冊逐件詳查嘉慶九年之案彼時因原有地畝遺失太多僅存一百二十三十頃奏請順天府查勘嗣以查出現存之荒熟地一百十六頃

奏結冊鈔原奏清單雖屬齊全然光緒十年以前案鈔入新冊而舊稿已無存道光十五年之案計承催地無租地三百十八頃有零其存案畝數亦係光緒十年鈔入而原奏未有鈔存至冊鈔光緒十一年呈稿既敘有道光十五年奏請會勘之語證以彼時存案畝數較前又實不符同治七年之案查據順天府覆稱曾經先後派員往查是道光同治年間實已有清查之事惟道光十五年之案既未鈔存原奏禮部覆稱案卷無存順天府覆稱亦無案據是彼時畝數加增如何會勘清查並無冊案可稽即同治七年飭交催頭看管既未勘定頃數亦未立定界址所敘之老年徵租冊雖有沙堆沙岡字樣而畝數四至零碎不全均無實據等竊維禮部租地書吏等串通作奸藏燬檔冊嘉慶年原奏已詳陳之現據咨覆亦謂書吏燬後案而存前案爲侵蝕地步此等情弊難保其必無即不得謂現存地畝而外別無遺失惟有歷年既久規復維艱特懸殘缺不全之案查遺失多年之地此侍郎啟秀所以逐層指駁也禮部因地畝向有遺失查出淤復之地又係無主之田且會同順天府勘訊奏結自係因道光十五年有奏請會勘之案今特踵而引之尙非擅翻奏案惟承辦司員檢查檔案是其專責上年據呈辦理清查所敘七百二十頃久無確據未將案卷不全之故逐細陳明又未將嘉慶道光年間各案詳細聲敘援引實爲疏漏若謂肆意欺朦尙不至此該堂官未能詳察亦有不合應請 旨將該堂官及承辦司員交部分別議處至此項



淤復地畝屢經順天府會勘會訊劉源清張華林等私懇地一十六頃三十七畝情願退地入官取有供結可憑此外別無控訴之案其爲確係無主之田毫無疑義除宗室寶彤呈明地二十餘頃不在禮部勘定奏結之內應由該衙門查明另結外其會同丈出淤復之地合計一百頃六十餘畝均係無主之田地以耕種若由地方官辦理升科是使私種之人據官地爲己產勢必貪緣冒領流弊滋多自非充作公用不足以杜侵冒應發交何項招佃收租以充公用之處恭候 聖裁至催頭呈報淤復係遵同治七年部示再三研訊尙無別項情弊俾訊現在書吏亦無銷燬盜賣各情一併片送禮部照舊供役從前書吏曾經吏部革退有案無從傳訊追究調來案卷分別發還 上諭徐桐崇禮奏遵旨確查禮部南廠官地並請核定畝數立案各摺片據稱禮部租地檔案不全此次查出淤復地畝該部因光緒十一年呈稿敘有道光十五年奏請會勘之語並以同治七年告示文簿等件爲據辦理不爲無因且係會同順天府勘明訊辦尙非摺翻奏案惟承辦司員未將案卷不全之故及嘉慶道光年間各案詳細陳明係屬疏漏尙非有意欺朦該堂官未能詳察亦有不合請將該堂官及承辦司員分別議處等語此案該部司員辦理清查僅止漏敘成案並無情弊凡租地歷年已久官非一任所有請將該堂司各官分別議處之處著加恩寬免此項淤復地畝係無主之田若如敗秀所奏由地方官辦理升科是使私種之人據官地爲己產勢

必資緣冒領流弊滋多所有禮部順天府此次會同丈出淤復田地一百頃六十餘畝著交禮部收租管理該部及禮部所奏租地畝數指之冊檔均有未符著該部堂官遴派司員將現存荒熟地畝查丈確數造冊奏明立案卽以現存畝數作爲定額除界址內現有官地仍由禮部招墾起租此外卽毋庸再事清查以免擾累

夏四月己丑朔時享 太廟 上親詣行禮○庚寅 上幸頤和園詣 慈禧端佑康頤昭豫莊誠壽恭

欽獻皇太后前請安○退海○辛卯諭前據奎斌奏敖罕貝子被匪戕害應否賜卹請旨辦理一摺當交該衙門議奏茲據理藩院核議具奏此案昭烏達盟長敖罕貝子達克沁因家被賊戕燬情形甚爲慘烈深堪憫惻達克沁著加恩賜卹應得卹典該衙門察例具奏所遺貝子卽著伊孫德色額他布承襲伊長子色丹那木濟爾以身蔽母遇害更慘孝行可風著准其旌表三子喇嘛色丹拉珠爲護姪遠歸不避艱險議僕那遜巴土貢主避難應如何分別優給獎卹之處著該衙門議奏○李鴻章奏光緒十八年正月二十二日 上諭御史徐樹鈞奏條陳熱河善後事宜一摺前因熱河朝陽等處剿匪事竣特諭李鴻章等將地方善後事宜認真經理茲據該御史陳奏吏治武備宜分途專任府縣分任而治並量減稅務整頓州縣慎選牧令聯絡藏民訓練旗營各條所奏有無可採著李鴻章體察情形妥議具奏等因欽此竊

維熱河近年政務輾弛商民重困蒙漢積怨釀成亂階致煩用兵剿定兵燹之後元氣待復自應及時整頓以拯彫敝而遏亂萌臣前奉 諭旨令會同都統臣奎斌經理善後事宜當將籌辦賑撫各節疊次陳奏在案數月以來飭據各營將領及派往查勘委員等於所過地方訪察情形隨事稟陳俟屬中有自然河來者臣於接見時復細加詢問查勘到任後日擊向來積弊與臣往返籌度補救之方及經久之策因臚相繼於目前亟應舉辦之事考核頗詳正擬條列 上聞復蒙 飭議前因臣查該御史徐樹鈞奏內量減稅務以下五條與臣擬辦各節大略相同而所言未能詳備其第一第二兩條輕改設制則實窒礙難行如原奏吏治武備分途專任各等語熱河都統一缺設自嘉慶十五年伏讀是年四月 上諭口外地方內地民人在彼耕種流寓漸多承德所屬各州縣屬直隸總督統轄地方遼闊於吏治察核刑名審轉諸多不便當另設一大員專令統轄等因欽此旋經部議裁去原設專管駐防官兵之副都統改設都統相沿至今道光七年前督臣那彥成擬奏以七屬刑錢等件統由都統奏咨此實因時制宜斟酌盡善廟謨廷議炳然簡冊豈容輕議更張該御史擬令都統專管駐防旗營則與從前之副都統何異今日蒙漢雜處訟獄日繁藩部屬下人等並歸都統管轄若令不管地方事件遇有交涉詞訟道員何所稟承總督亦難遙制查嘉慶道光年間都督臣各原奏已有鞭長莫及之言今總督兼管洋務海防視從前

僭爲繁曠吏難兼顧若以熱河全境專歸道員統轄則官階較小事權過重實於體制未宜又原奏府縣分任而治各等語查乾隆四十三年前督臣周元理遵 旨妥籌承德府升州事宜案內議定不設附郭首縣仿照各省直隸州例自理刑錢其六州縣事由府審轉考核相承已百餘年各直隸州皆自治其地兼轄屬縣於考察表率本無所仿今擬移灤平縣於府治徒取備官無關政體況灤平縣所治喀喇沙屯地當衝要差務絡繹號爲殷繁斷非府經歷微員所能彈壓以上兩條均應毋庸置議茲就臣見聞所及博訪衆論參稽案牘該御史原奏內有可採者一併議入復與奎斌往返商確意見相同擬定辦法六條繕具清單敬呈 御覽一都統公費宜增定也熱河近年政以賄成婪索相競自大府以至牧令罕能以廉公自持取之僚屬者節壽有饋儀到任有規禮補缺署缺有酬謝取之商民者街市鋪戶有攤派變本加厲上下相沿不以爲怪推原其故非必貪婪成性實由缺分太濫無以養其廉卽如都統一缺每歲廉俸公費折實僅二千三百兩無論如何節省斷不敷用此而責以潔身率屬中人以下勢必不能查前署盛京將軍崇實條奏奉天改制事宜詳論該處賄賂公行與今日之熱河情形無異而推本於興廉養誠爲扼要之言當時奏增將軍養廉八千兩府尹養廉六千兩此外尙各有公費數千兩則府尹約及萬金將軍萬金以上熱河都統事寄之重與盛京之將軍府尹相同至少亦須比照奉天府尹之例增給

養廉六千兩乃足敷辦公之用奉天加款係由山海關道支解作正開銷此款即擬由津海關道於洋稅項下按年撥解其道府以下亦應籌給津貼迭據奎斌函咨現擬仿前湖北撫臣胡林翼在鄂辦法通飭所屬將署內出入各款澈底查清開報應裁者全行禁革應留者化私爲官酌定數目改爲公費使各有自然入款乃能實以一意奉公如再稍涉貪婪卽當從嚴多辦於事理則爲名正言順於治術則爲正本清源統俟飭查明確再行奏明辦理一道府宜改爲邊要調缺以期得人也熱河地方邊關僅設一道一府熱河道經理刑名錢穀實兼兩司之任承德府審理本屬詞訟勘轉一廳六州縣刑名責重事繁均非曾任地方通曉吏治之員不能勝任向例道府三年俸滿卽與內地實缺滿蒙人員互調每以無人可調請旨簡放甫出京卽卽腐繁劇往往不能稱職其有才可道就者歷練漸習又屆調回蓋以關外苦寒缺又貧瘠初定互調之法本爲調劑之宜竊謂設官當爲缺擇人不應爲人擇缺況以邊要重地道府大員於將調則視若畏途既至則等諸傳舍求其盡心奉職勢必不能今當大亂之餘整頓之始自非略爲變通崇其品秩慎其選擇難望得人擬請將熱河道承德府改爲邊要調缺遇有缺出不分滿漢於通省道府內察其才守兼優者調補俸滿卽職會奏請旨存記遇有應升之缺開列在前卽令留任候升不必調回內地夫口外道府州縣所以定爲滿缺者因地係蒙古是以專用旗員其八旗人員大半不習蒙

古言語實與漢員無異是以道光七年前督臣那彥成因口外佐雜均用漢員而推及於州縣同治四年  
前都統駐慶因州縣多用漢員而推及於道府查閱各原奏所陳情事備極詳明乃州縣既用新章而道  
府仍循舊制本末輕重似不相維且奉天吉林並係將軍管轄之地而近年道府各缺均許兼用漢員仰  
見朝廷慎重邊方不拘成格熱河事同一律亦應及時變通從前一廳一州五縣例於直隸丞倅牧令  
中不拘原官隨宜揀調以直屬一百數十餘廳州縣通融揀調七缺那彥成猶云必須滿漢並用選擇始  
不至乏人若知府之缺不及十分之一道員則更少即以現在而論除歸昌口北兩道外無一旗員知府  
則僅一人故常有無人可調之慮必應比照奉吉近例改爲滿漢並用然後取材略廣乃可盡選擇之宜  
此爲今日熱河吏治根本所關不能不改至熱河道會經那彥成奏定仿照鎮迪道之例將七屬刑錢事  
件統歸藩轉督催詳報都統題咨應如御史徐樹鈞所奏照近日鎮迪臺海道例加按察使銜一州縣補  
缺俸滿章程宜量爲變通以收實效也熱河州縣轄境廣闊政務殷繁向例缺出先儘內地人員揀調取  
其曾任實缺諮議公事立法本極周詳自有佐雜保升留補及請揀發之例遂絕少調自內地而佐貳紛  
紛營謀保升實有初任卽補邊要調缺如此貽誤地方身被重劾之建昌縣章奏飭著御史徐樹鈞奏  
內極論佐貳升補州縣之弊自係指此等而言至謂補缺應先儘揀發正途則於向例實未詳悉同時如

去之廖倫明文十年何嘗非由正途揀發奎斌深知歷年積習方欲規復內地揀調竊惟以內地實缺人員既歷過俸三年便須撤回另補轉令間居待缺未免向隅擬請此後口外州縣俸滿時准以內地相當之缺調補仍令在任候調免其開缺闕場總同知亦照此例如此則官有久長之治身無內顧之憂乃能責以整頓地方盡心民事再熱河與直隸本是一省從前本有由直分撥差委之員近年此例全停遂若畫分疆域實因二三保升候補州縣者希圖自便實緣改章吏治官方由此做壞奎斌到任之始即與臣面商擬在直隸調員前往差遣應請援照派分順天差委之例由都統指明咨調遇有缺出准酌量敘補情形既能熟悉賢否亦易周知較之由部揀發之員可冀得力一稅課應改歸州縣徵收並將稅額量爲酌定也熱河八溝三座塔烏蘭哈達四處自乾隆十三年設立稅額由理藩院派員徵收近年除烏蘭哈達外其餘三處無不報虧而八溝爲尤鉅固由物力盈絀今昔不同亦因稅員二年一換初到情形既不甚悉及至漸習又屆換回以致中飽偷漏各弊端無從覺察願景崇歷任皆然若改歸州縣常年經徵呼應既靈稽查易密從前商賈之偷漏稅書巡役之把持逐一清盤當有起色易任之時互相交代成亦專御史徐樹鈞條奏將稅務就近改歸州縣管理實係深知利弊之言大亂之後商賈裹足民困未蘇該御史請將稅額量減以待將來規復亦是審度時勢之見應請如所議辦理該四處稅額尙係乾隆

年間所定今則市面之盛衰既異卽收數之盈歉懸殊原額或少或多應由都統就近體察各處情形酌爲增損惟目前市經兵燹未可據以爲衡請俟該州縣試辦一年後再察酌奏明定案將來議定稅額如有虧短卽嚴參著賠其應交戶部稅課及理藩院餉銀均按期解由都統彙解各衙門兌收再稅員向與地方官分治蒙古漢民各分畛域遇有交涉案件必須會訊往往意見不合經年不能擬結蒙漢俱受拖累實爲弊政之尤查乾隆四十三年改設六州縣均兼有理事同知通判職銜本爲訊斷蒙旗案件因有四稅司員專理蒙古舊例相沿未改遂致政出兩歧今既裁撤稅員遇有案件均歸該州縣一手經理可以隨到隨結於公事尤爲有益一蒙古客民結怨已深宜設法解釋以弭釁隙也熱河郡縣本係外藩部落蒙古不諳耕種藉客民佃種以收租息又賴商賈貿易以通有無從前風氣渾樸每爲漢民所愚是以流民趨利若鶩數十年來同居共處蒙古之人漸染漢習亦知詐力相尙在蒙古王公等世守藩服未必盡有苛虐客民之心惟屬下人等倚勢侵凌強霸取財在所不免秋成以後攘奪餘糧搶劫牲畜比比皆是客民良莠不一狡黠強橫者遂出而結黨抗拒又有金丹及在理教從中煽惑凡受屈辱者皆闖入教以爲報此此禍變之所由來也若不設法解釋仍恐報復相尋查蒙古與客民交涉易起爭端者一在佃種之交租一在商賈之欠債亟應更定新章以弭嫌釁此後佃種蒙地者由都統派員會同地方官查明



每戶佃種若干畝每年應交租銀若干以及田地四址僅頭姓名編立魚鱗結冊畀以執照秋成之後照內地州縣代徵王公莊田之例皆爲徵收由蒙古王公派員赴州縣衙門領取如有抗欠之戶由地方官嚴傳比追勿任拖欠其隨租小費仍照常付與蒙古屬下人等以免怨尤倘該州縣從中侵漁或加倍重徵一經發覺卽嚴參治罪至商民領取蒙古資本貿易或彼此賒欠致有虧折之事亦應送地方官持平論斷毋稍偏倚蒙古人如有私行賣買攘奪作抵者亦卽按律懲治如此辦理凡有交涉事件皆由官爲主持則蒙古漢民自可相習無事近據喀喇沁王公兩旗呈請將所屬租地具冊移交稅員代爲經徵是該王公等亦深知起釁根由意存弭喧惟向例稅員與州縣分管蒙古漢民而州縣原有理事職銜本爲兼管蒙古事件田租係漢民交納應歸州縣徵催現議裁撤稅員自當責成州縣認真經理應請 飭下蒙古王公各旗一體遵辦以杜爭競而遏亂萌一要隘宜酌駐防營以資鎮攝也御史徐樹鈞原奏內振作旗營各等語查駐防兵力太單雖有抽練旗兵一營爲數本少既無精利鎗械又不諳習教練難期得力緣營尤極寒苦緩急均不可恃去歲教匪驟起見賊卽潰派往平泉防堵之兵計程百八十里七日尙未到防若非准練各軍征調迅速大局不堪設想判定之初經臣奏明酌留防營藉資彈壓各營均係海防勁旅春融後便當逐漸撤回惟熱河甫經擾亂人心未定自應酌撥營隊扼要分駐以便巡防查剿陽

事與秦天毗連馬賊不時竄擾園場袤延千餘里亦是賊股出沒之區平泉建昌一帶山谷叢雜伏莽未  
淨現擬就近由提標派撥練軍馬隊步隊各一營在朝陽及平建之間擇要駐紮有事歸都統調遣平時  
由直隸提督訓練布置不至另籌餉項爲難園場原有馬隊駐防披查賊匪緝捕尙爲得力該處西與  
多倫縣接壤爲宣化練軍分駐之地遇事就近征調可資應援得 旨該衙門議奏單併發○壬辰以援  
剿熱河朝陽匪徒予魏希古等獎敘有差○廣東巡撫劉瑞芬卒賜卹如例○丙申諭軍機大臣等沈秉  
成奏贛江縣民張盛發被控收管身故一案屍身張黃氏具控該縣知縣楊需霖濫刑斃命楊需霖則以  
訟棍主唆捏控稟請拿究並牽涉臬司書吏幕友委員李壽蓉等又以臬司高冕稟中有委員提惹不能  
澈究之詞稟請迴避等語此案枝節太多頻與謠詠著劉坤一行提人證卷宗解赴江寧遴派司道大員  
澈底訊明秉公議結以成信讞原片著鈔給劉坤一閱看將此各諭令知之○松栢劉坤一剛毅奏光緒  
十七年六月初六日欽奉 上諭各省耆老會匪最爲地方之害此等匪徒行蹤詭秘與游勇地痞暗相  
勾結動輒糾黨煽亂甚至造謠惑衆潛謀不軌若不先事籌辦絕其根株則涓涓不遏將成江河後患何  
堪設想著各直省將軍將撫嚴飭地方文武實力查緝如有訪獲首犯一面嚴行懲辦一面准將出力員  
弁照異常勞績奏請優獎等因欽此仰見 聖主弭患防萌安良除暴之至意當經恭錄咨行欽遵認真

辦理嚴密查拿伏查近年哥老會匪散聚開堂潛相勾結黨類既衆飄忽靡常煽惑造謠肆行不法江蘇  
界連數省濱海臨江鎮江爲南北通衢九江門戶上海又爲江輪海輪聚集之區與鎮江皆係通商要口  
稽查較難匪徒尤易往來洩迹祇以巡緝嚴密未敢遽逞上年夏間沿江一帶教案迭起皆由該匪等造  
謠煽亂意圖乘機煽動經通飭嚴拿並密派員弁四出偵緝復敢私購軍火圖謀不軌幸經上海鎮江  
兩關即時盤獲未得遂其奸謀並接湖廣督臣張之洞湖北撫臣譚繼洵等先後來電緝拿匪首高德華  
等訊供該匪等長江上下聯爲一氣因下游巡防嚴密礙難聚集定有日期擬在沙市起事雖逆謀均經  
敗露不致釀成巨患第此輩黨與遍布伏莽甚多必得嚴拿首逆絕其根株方足以遏亂萌數月以來督  
飭地方文武實力查辦一面訓切示諭解其脅從先後據前辦保甲局江蘇候補道劉佐禹等督飭遊擊  
何復勝會同管帶奇兵左營儘先補用守備馬鴻利拿獲會匪曹義祥一名江寧城守右營千總馮金桂  
拿獲唐玉亭卽唐國發一名訊據供認糾入會散布收從並商謀煽搶教堂不諱又據瓜洲鎮總兵吳  
家榜督飭千總嚴鳳樓等拿獲劉開泰卽劉長元並起有偽書票布訊據供認入會爲匪並僞書中有巡  
風劉長元字樣又據蘇松太道蕭緝榮督飭上海縣袁樹勛派撥捕役協同瓜洲鎮吳家榜常鎮道黃祖  
絡所派之把總彭山峻等緝獲陳金龍卽陳殿魁係江會首匪爲長江三龍之一在上海吳淞等處開龍

花及玉龍等山堂訊據供認爲安清道友通字輩不諱又據金陵城外保甲局候補道羅廷玉督飭把總何嶽齡六品軍功向日葵郭金元等拿獲李釐一名並起獲木戳票板票布等件據供入會爲匪木戳內並刻有總統太平字樣又據金陵城內保甲局候補道馬聲煥派委千總馮金桂謝三益拿獲蕭慶藩卽蕭子春一名並在該匪身上箱內搜獲票布令旗銅戳等件亦經質訊確實又據常州營遊擊關殿彪派千總葉國彩拿獲談金榜一名爲行劫通州事主顧王氏家之犯並獲有會匪名帖寫明談金榜總理山主字樣並與匪首高德華供指相符又據前辦金陵城外保甲局候補道劉佐禹派委護軍營哨弁千總黃吉興六品軍功王得元拿獲王有堂李號有張琢范忠益李一都五名爲執持洋鎗行劫江寧縣事主陶明松家得賊拒捕傷人之匪犯又據徐州鎮總兵陳鳳樓署徐州道桂嵩慶等督飭文武拿獲蔡自友該匪係在邳州宿遷一帶夥劫多案並與屠小二等於上年夏間分距地段結幅蓋旗逆謀昭著屢拿未獲之犯經該鎮道等督飭員弁多方偵緝始行就獲據供堅旗糾衆起事不諱以上各犯均經先後訊明飭令分別正法梟示以昭炯戒並將辦理情形奏明各在案所有在事出力員弁或越境緝捕協力兜拿匪徒拒捕逞兇無異臨敵該員弁等能不避艱險疊獲巨魁洵屬異常出力自應遵 旨保獎謹擇其尤爲出力者繕具清單恭呈 御覽得 旨吳家榜等均著照所請獎勵餘依議該部知道單併發○戊

戊常壽大祀 天於 圖丘 上親詣行禮○上幸頤和園詣 慈禧端佑康頤昭豫莊誠壽恭欽獻皇  
太后前請安○諭沙克都林扎布魁福奏特參大員病假期內微服治游請旨懲儆一摺科布多幫辦大  
臣阿興阿前因假傷舉奏請賞假當經允准茲據沙克都林扎布等奏稱該大臣請假期內步履如常  
閒游街市不知檢束有玷官箴阿興阿著卽行革職○已亥訓剛毅爲廣東巡撫奎俊爲江蘇巡撫以阿  
克達春爲山西巡撫○命額勒春爲科布多幫辦大臣○庚子以德壽爲安徽布政使文光爲四川按察  
使○開缺侍郎續昌卒賜卹如例○辛丑諭邵友濂奏剿平大科坎內山番社請將在事員弁分別獎卹  
一摺臺灣大科坎內山社番滋事經邵友濂飭調道員林朝棟等督軍進剿先後擊斃悍目孩家乃悅暨  
牙畏阿璽等番衆窮蹙乞撫並將首犯李九等縛送懲辦內山各路番社一律赦平剿辦尙爲安速所有  
出力之道員林朝棟著交軍機處記名以道員請旨簡放把總林超拔著免補千總以守備留於福建儘  
先補用並賞加都司銜遊擊沈棋山著免補遊擊以參將仍留原省儘先補用守備黃宗拔著免補守備  
以都司仍留原省儘先補用把總鄭以金著免補把總以千總仍留原省儘先補用並賞加都司銜五品  
軍功貢生黃南球著賞戴藍翎陣亡之遊擊楊春海都司賴李春把總簡玉發五品軍功林秀川張拱福  
蔣宏標均著交部從優議卹○甲辰諭都察院左副都御史徐致祥奏稱臣聲名惡劣據實糾參一摺據

稱新授山西巡撫阿克達春在安徽藩司任內貪贖之聲流傳道路等語該副都御史奉使領表往返均由皖江既有所聞卽應隨時具奏何以回京數月直至阿克達春簡放巡撫後始行糾參著徐致祥明白回奏○乙巳諭裕祿等奏勘估 永陵明堂前泊岸應修各工請擇吉興修一摺著欽天監於本年五月內選擇吉期先行知照著順天將軍會同工部侍郎屆期敬謹興修○丙午諭徐致祥奏遵旨明白回奏一摺所稱阿克達春在安徽藩司任內貪劣之狀仍係得諸傳聞未能指出實據著派劉坤一確切查明據實具奏毋稍迴護○丁未 上詣 圓寓 醇賢親王金棺前行禮畢幸頤和園詣 慈禧端佑康頤昭豫莊誠壽恭欽獻皇太后前請安駐蹕○戊申 上詣 圓寓恭送 醇賢親王金棺○還海○辛亥諭吏部奏查明總理各國事務衙門獎案開單呈覽一摺前經明降諭旨凡遇奏獎之案照所請獎敘著該衙門遵諭行不得按照部章聲請此次總理各國事務衙門保獎章京等案經允准並未令該部議奏率以章程成案爲詞分別開單聲敘殊屬非是著傳旨申飭長恆等十一員仍照原保給予獎勵嗣後已奉特旨允准奏獎之案該部不得再行濫請○諭恩銘奏軍臺廢員由解脫逃請旨飭拿並將管站司員交部察議一摺已革防禦常陸阿騰敢臨解脫逃該都統等已咨行鄰境緝拿雖保不潛行回旗著吉林將軍嚴飭查拿務獲究辦管站理藩院候補主事凱音布疏於防範著交部察議○癸丑先是張之洞張

照奏等前經承准總理各國事務衙門咨開匿名揭帖本干例禁立法甚嚴自髮逆掃平後地方又安而散勇游民思欲藉端爲亂輒假西人傳教爲言刊爲書說編作歌謠繪爲圖畫率皆鄙俚不堪寓目而愚民無知往往爲所煽惑甚至釀成巨案疊經德國使館屢次送到刊板書籍說詞歌曲圖畫種種並有捏造總理衙門公文及督撫文函各件居心甚爲詭誕此等謠言微特有礙邦交卽中國內治亦宜嚴懲咨行通飭各屬查禁究查捏造之人從重懲辦以消隱患並迭次承准電開長沙府有周漢川設寶善堂鄧懋華書鋪刊刻詆毀洋教書籍布散甚多查各處教案之起皆由造言生事者煽惑人心各書皆由湖南而來有三家書鋪鄧懋華曾郁文陳聚德皆代周漢刊書各等因均經通飭嚴禁並行湖南臬司嚴切查究本年二月承准總理衙門代奏派委湖北督糧道惲祖翼馳往湘省會同湖南臬司確查稟摺奏明懲辦奉 旨允准在案茲據該道惲祖翼自湘回鄂會同署湖南按察使呂世田稟稱查此案先經該臬司飭長沙府知府周環慶嚴密查得周漢係寧鄉縣人由軍功薦保道員留陝西補用向以寶善堂之名在湖南省城刊刻善書蹤跡無常現在遠出未歸鄧懋華曾郁文陳聚德三人均以刻字爲業曾郁文已於上年身故當訊據鄧懋華供向在長沙省城小西門內路邊并獨自開店刷賣帳簿並未與周漢合夥刊刻書籍惟與之熟識往來上年周漢曾至店中寄居數月隨即出省有時言語荒誕狀似瘋迷

其所輯各種書冊係陳聚德曾郁文代爲刊刻據陳聚德供開設刻字店多年曾代周漢刻得一錄官紳寶訓育嬰良法拯溺寶筏格言聯璧傳家寶訓擴充訓囑各種書冊所有板片隨時取去自行刷印店夥人數衆多不諳文義向來刻書照字算錢不問來歷所有辣手文章等書並一切畫圖是否間有店夥代刻實在記憶不清據曾郁文店夥吳東海供店主曾郁文曾代周漢刊刻書冊已於上年身故至於毀罵洋教書本曾否刊刻實不知情自奉示將店門封閉各夥俱已散去各等供該道到湘當卽會同該司派委湖南候補道判蔣聯庚馳赴寧鄉查傳周漢解省訊究旋據該員會同寧鄉縣知縣鄭之梁稟稱周漢自光緒十年由新疆請假回籍隨即攜眷出外至今並未復回原籍當將周漢胞姪周德之戶族周昆玉團總唐筱楠鄰右黃樹秋一併傳解來省經該府訊據周德之供周漢係其胞叔自光緒十年回籍後卽攜眷出外隨意遨遊六七年來並未回至寧鄉近患痰疾時發時愈病劇時言語不清有似瘋狂又義慕神仙自稱鐵道人最信扶筭平日雖不信洋教並未編刊書畧圖畫各處布散或係不逞之徒因伊叔周漢保至監司大員託名刊刻並捏造總督公文及致鄂撫書信希圖誣陷亦未可知質之戶族周昆玉團鄰黃樹秋唐筱楠等各供相同惟所有書畧圖畫究係何人秉筆未能得其主名自應先將板片搜獲銷毀淨盡以副朝廷輯睦中外之至意當經該府督同長沙善化兩縣懸賞購覓並恐民間心懷疑懼



知而不舉特於賞格內聲明隨繳隨賞並不追究來歷復派差分路搜尋始據長沙縣民萬富安等陸續繳到鬼叫該死辣手文章擊天柱滅鬼歌寫天主邪教並圖畫各種板片計三十一面共二十五塊內多殘缺不全自係畏罪毀棄所有板片及人證供結均由該府稟解司道等親提覆訊所供均係與該府等原訊相同誠恐尙有不實不盡究竟周漢是否在家避匿並該書鋪等有無諱飾情事復向周德之究詰據供伊叔周漢實係由新疆請假回籍後攜眷外出行蹤靡定平日不喜洋教僅止信口詆訾委無刊刻并掛各處散布情事且身係職官斷不敢偽造公文其致湖北巡撫信函伊叔並未到鄂省從不好與官場往來顯係他人假託總因伊叔是四品大員平日好發議論是以匪徒盜竊姓名希圖易於煽惑提訊戶鄰周昆玉等供詞俱同復訊據陳聚德供曾經代周漢刻過書數種實未刻過毀教書畫該鋪在省開設多年代人刊刻書畫主顧甚多向來照字算錢書板隨刻隨取其賬簿或僅記一姓或僅記一堂名或係展轉交來實不能概行登記姓名且店夥甚多來去無常這辣手文章等書其中是否有店夥刊刻者委實無從查悉如有代周漢刻過毀教諸書亦止係工匠受僱該鋪並不知情儘可據實供明何必代爲捏飾自受拖累又提鄧懋華再三質對堅不承認代刻書畫惟據供與周漢認識遇其肆口妄談之時不免互相稱贊事所時有反復研鞫供仍如前加以刑嚇矢口不移該司道等因案關重大不厭精詳復

飭長警兩縣確查周漢賢係早經外出久未在省又經派員明查暗訪咸謂周漢患有心疾語言怪誕近來痰迷更甚見人動輒謾罵至刊刻毀教書圖等事並無聞見吳口同聲供證以屬確鑿應即據供擬結查周漢遠出未歸痰疾既劇言語支離即使傳喚到案亦難訊取供詞業已傳到該家屬及戶族鄰人等研訊明確愈供周漢並無刊播揭帖及捏造公文等供情事眾供如一稱係匪徒託名偽造希圖煽惑尙屬可信卽如致鄂撫信函一節湖北撫署號房並未接收此信其爲假託捏造更屬無疑惟周漢以在籍道員專好扶箕誦信鬼神語言怪誕跡類瘋狂病發之時乖謬尤甚逢人輒罵此等形狀仕途罕見自應稟請奏明予以懲處以儆謬妄而免生事等語鄧懋華既知周漢形類瘋狂性好生事仍復與之往來遇事稍贊殊屬無知附和陳聚德平日代人刊刻書籍並不查詢來歷又不看明書畫內文義有無流弊任令店夥誤行刊刻以致滋生事端均有不合鄧懋華陳聚德均請照不應重律各擬杖八十著加枷號三個月滿日折責發落吳東海訊係會郁文習夥不知店務應與病故之會郁文均毋庸議仍將各該鋪取行封閉不准復開無干人證省釋免累至匪徒竊名造言刊播揭帖希圖煽惑已屬可惡並應嚴飭道總署督撫公文四處傳播尤爲大干法紀除由司道飭湖南各屬一體訪查務得主名嚴拿究辦外合將查起書圖各種板片彙同供招戶族鄰團甘結並地方官印結呈繳稟請會核具奏等情前來等因查西

人傳教乃條約所准行久已中外相安民人入教與否聽其自便西人亦不强人以必從其教堂如實有不近情理不合條約之事儘可稟官照會查辦何得捏造不根之言惑衆生事此案周漢雖查無刊播揭帖及偽造公文情事惟該員以在籍四品職官理應謹慎言行矜式鄉里乃平日專以扶箕爲事惑於鬼神言語荒誕跡類瘋狂近來痰迷更甚見人動輒設罵是以匪徒假託其名偽造公文造言煽惑自未便漫無懲戒致令滋生事端相應請旨將在籍花翎陝西補用道周漢暫行革職查傳到籍交地方官嚴加管束不准潛至省城妄爲生事仍隨時察看將來痰疾如能痊癒果能謹飭改過再行申請核辦倘瘋狂益甚滋生事端卽據實稟請查明嚴懲其書實曾郁文業經身故鄧懋華陳聚德自應各予懲儆應照該司道等所擬辦理上等自當督飭該臬司嚴飭各屬實力查緝務獲究辦以儆效尤其起到書圖各種板片由臣之洞派委江漢關道孔慶輔眼同漢口領事銷燬下所司議奏至是上諭前據張之洞等奏查辦湖南刊播揭帖偽造公文一案當令總理各國事務衙門議奏茲據張之洞等所擬辦理等語此案道員周漢雖無刊播揭帖及偽造公文情事惟身爲職官言語荒誕跡類瘋狂以致匪徒假託其名造言煽惑實屬咎無可辭陝西候補道周漢著卽行革職查傳到籍交地方官嚴加管束勿令出外滋生事端餘依議該部知道○甲寅上幸頤和園詣慈福端佑康頤昭豫莊誠壽恭欽獻皇太后前

請安駐蹕○乙卯祭 醇賢親王陵寢 上親詣行禮○還海○丁巳諭軍機大臣等有人奏福建陸路提督孫開華剿辦匪徒日久無功匪首陳拱逃竄未獲該提督軍律不嚴所部弁勇到處擄掠姦淫燒燬廬舍致地方久遭蹂躪民不聊生等語孫開華剿辦德化縣匪徒時逾數月未將匪首陳拱拿獲若如所奏各情不特渠魁漏網日久稽誅且勞師糜餉擾累閭閻殊堪痛恨著希元將所奏各節確切查明據實參奏毋稍徇隱將此諭令知之○李鴻章奏熱河兵燹之後伏莽猶多警後事宜須隨時妥籌布置惟地處塞外與都統商酌相商非十餘日不能往返每虞延誤事機至朔陽界連奉省去直吏道設有緩急呼應不靈必須添設電綫以期消息靈捷飭據天津電報官局道員余昌字委員分往勘明各綫路繪具圖說核議稟覆前來臣查天津至熱河承德府綫路計由津至通州二百餘里可借商局電桿挂綫其自通州出古北口至承德府四百一十里中隔長城距河既遠料物必需陸運山多嶺峻道險離行口外村鎮荒涼車輛亦不易僱兼以越嶺設綫山石嵯峨鑿孔立桿甚為費力朝陽電綫應由奉天錦州官綫就近接設計程一百八十里均以山道運料施工與熱河同一棘手迥非內地電工可比然事關軍國大計未便因締造艱難稍從緩辦已飭該道將需用機器電綫鉤碗各件速致外洋分別訂購其應立電桿口外亦無合用木植並派員赴遷安山內採辦分運工次加油屯布俟各料齊備尅日開工一切經費飭令

設法撙節事竣由海防支應局核實報銷所有綫路經山之處應請 旨敕下盛京將軍熱河都統順天府尹轉行旗民地方文武一體照料保護勿任阻撓損壞其運送桿綫電料由 臣給發護照沿途關卡一體查驗放行將來應設分局報房常年經費及巡費等項容俟照章核定咨部立案得 旨如所議行